

直隸秦州新志卷之九上

名宦 流寓附

康熙中湖廣督糧道葉映榴 死土寇之亂

詔予祭蔭加謚忠節雍正初陝西督撫大吏謂映榴

先曾督學陝西也請下所屬 俾郡邑通祀名宦

制曰可蓋

聖朝褒忠之典如此其隆而今者修志而集名宦傳
卽以此推類焉名宦者宦斯地而有名者也專宦
斯地而鮮所表見固不得與如有所表見而其官

直隸秦州新志

卷之九 名宦上

則非專斯地也遂可遺焉已乎今多途以取之秉
道以衡之其非專官而功名見於斯地不可遺也
首漢靳歙之屬是也是專官而功名不見於此地
而別見於生平其人實偉人也不可遺也宋文彥
博之屬是也官亦非專官功名亦不專此地而其
人大節凜然此地亦在所治之內者不可遺也唐
許欽寂之屬是也是葉忠節之例也若乃旣非專
官功名又無關此地雖事跡煥爛輒復舍諸功名
輕於節義固不得援忠節而泛及矣屬葉旣定凡

得如干人視舊志且倍蕪寧令溢美不可沒善春秋善善欲長吾敢違乎或者附會失實增飾過當則自漢迄今爲時久爲人衆矣吾生旣晚耳目弗親前史舊志早有爲我分謗者非所懼也獨念修志之初立意求簡而今更加多自反無宋景文之才俾事增於前而文省於舊斯爲媿耳志名宦第九至流寓諸賢亦以他方之人而留名此邦者也舊志附人物後雍正中修直隸秦州志改附名宦謂各從其類也今仍之

直隸秦州新志

卷之九 名宦上

二

西漢

靳歙以中涓從沛公起宛胸積戰功至騎都尉從定三秦別西擊章平軍於隴西破之定隴西六縣後積功封信武侯酈商高陽人陳勝起商聚少年得數千人以屬沛公累有戰功沛公爲漢王賜商爵信成君以將軍爲隴西都尉後積功至丞相封信餘各詳漢書本傳清水志稱秦白起鎮戎羌築弓門砦史記不著豈遺之耶太無一事着此地者故列於官師而畧於名宦漢初絳侯周勃史但言其攻上邽而不著其功亦不載

袁盎字絲安陵人文帝時爲郎中以數直諫不得久

居中調隴西都尉仁愛士卒士卒皆爭爲死餘詳本傳

貢禹字少翁瑯琊人宣帝時以明經潔行徵爲博士拜涼州刺史餘詳本傳

馮奉世字子明上黨潞人武帝末以良家子選爲郎元帝時爲右將軍復爲光祿勳永光二年秋隴西羌多姐旁種反召丞相韋元成等並奉世入議是時歲比不登四方饑饉朝廷方以爲憂而遭羌變元成等漠然莫有對者奉世曰羌虜近在境內背畔不以時

直隸秦州新志

卷之九 名宦上

三

誅亡以威制遠蠻臣願帥師討之上問用兵之數對曰臣聞善用兵者役不再興糧不三載故師不久暴而天誅亟決今反虜無慮三萬人法當倍用六萬人然羌戎弓矛之兵耳器不犀利可用四萬人一月足以決元成等皆以爲民方收斂時未可多發得萬人屯守之且足奉世曰不可天下被饑饉士馬羸耗守戰之備久廢夷狄皆有輕邊吏之心而羌首難今以萬人分屯數處虜見兵少必不畏懼戰則挫兵病師守則百姓不救如此怯弱之形見羌人乘利諸種並

和相扇而起臣恐中國之役不得止於四萬也故少發師而曠日與一舉而疾決利害相萬也固爭之不能得有詔益二千人於是遣奉世將萬二千人騎以將屯爲名典屬國任立護軍都尉韓昌爲偏裨到隴西分屯三處前軍到降同阪先遣校尉在前與羌爭地利又別遣校尉救民於廣陽谷羌虜盛多皆爲所破殺兩校尉奉世具上地形部衆多少之計願益三萬六千人乃足以決事書奏天子大爲發兵六萬餘人拜太常弋陽侯任千秋爲奮武將軍以助焉奉世

直隸秦州新志

卷之九 名宦上

四

上言願得其衆不須復煩大將因陳轉輸之費上於是以前書勞奉世且讓之

璽書載
藝文

十月兵畢至隴西

十一月並進大破羌虜斬首數千級餘皆走出塞兵未決間漢復發募士萬人拜定襄太守韓安國爲建威將軍未進聞羌破乃還明年二月奉世還京師更爲左將軍光祿勳如故其後錄功賜爵關內侯裨將校尉三千餘人皆拜餘詳本傳

馮譚奉世長子舉孝廉爲郎功次補天水司馬奉世擊西羌譚爲校尉隨父從軍有功未拜病死譚弟野

王浚等至大官野王字君卿受業博士通詩元帝時
遷隴西太守以治行高入爲左馮翊浚字子產通易
察孝廉爲郎功次遷隴西太守治行廉平俱詳本傳
樓護字君卿齊人王譚舉爲諫大夫出使郡國還奏
事稱意擢天水太守谷永字子雲長安人成帝時遷
涼州刺史杜鄴字子夏茂陵人哀帝初遷涼州刺史
居職寬舒餘各詳本傳

陳立臨邛人成帝時爲牂柯太守破西南夷有功後
徙天水太守勸民農桑爲天下最賜金四十斤餘詳

直隸秦州新志

卷之九

各宦上

五

西南夷傳

何並字子廉平陵人爲長陵令道不拾遺遷隴西太
守復徙潁川名次黃霸事詳本傳

東漢

馮異字公孫潁川父城人從光武積功爲征西將軍
同諸將上隴破隗囂建武九年春囂死其將王元周
宗等復立囂子純猶總兵據冀公孫述遣將趙匡等
救之帝復令異行天水太守事攻匡等且一年皆斬
之諸將共攻冀不能拔欲且還休兵異固持不動常

爲衆軍鋒明年病薨於軍謚曰節侯餘詳後漢書本傳

來歙字君叔南陽新野人也建武初拜爲太中大夫時帝方以隴蜀爲憂獨謂歙曰今西州未附子陽稱帝道里阻遠諸將方務關東思西州方略未知所任其謀若何歙因自請曰臣嘗與隗囂相遇長安其人始起以漢爲名今陛下聖德隆興臣願得奉威命開以丹青之信囂必束手自歸則述自亡之執不足圖也帝然之建武三年歙始使隗囂五年復持節送馬

直隸秦州新志

卷之九 名宦上

六

援因奉璽書於囂旣還復往說囂囂遂遣子恂隨歙入質拜歙爲中郎將時山東略定帝謀西收囂兵與俱伐蜀復使諭旨囂將王元說囂多設疑故久猶豫不決歙素剛毅遂發憤質責囂曰國家以君知臧否曉廢興故以手書暢意足下推忠誠遣伯春委質是臣主之交信也今反欲用佞惑之言爲族滅之計叛主負子違背忠信乎吉凶之決在於今日欲前刺囂囂起八部勒兵將殺歙歙徐杖節就車而去囂愈怒王元勸囂殺歙使牛邯將兵圍守之囂將王遵極諫

鷲歙爲人有信義西州士大夫皆信重之多爲其言
故得免而東歸八年春歙與征虜將軍祭遵襲略陽
遵道病還分精兵隨歙合二千餘人伐山開道從嶓
須回中徑至畧陽斬鷲守將金梁因保其城鷲大驚
曰何其神也乃悉兵數萬人圍畧陽斬山築堤激水
灌城歙與將士固死堅守矢盡乃發屋斷木以爲兵
器盡銳攻之自春至秋其士卒疲弊帝乃大發關東
兵自將上隴鷲衆潰走圍解於是置酒高會勞賜歙
班坐絕席在諸將之右詔使留屯長安悉監護諸將
直隸秦州新志

卷之九 名宦上

七

歙因上書請伐蜀帝然之於是大轉糧運詔歙率征
西大將軍馮異建威大將軍耿弇虎牙大將軍蓋延
揚武將軍馬成武威將軍劉尚入天水擊破公孫述
將田弇趙匡明年攻拔洛門隗囂支黨周宗趙歙及
天水屬縣皆降十一年歙與蓋延馬成進攻公孫述
將王元環安於河池下辯陷之乘勝遂進蜀人大懼
使刺客刺歙未殊馳召蓋延屬以軍事歙自書表云
云投筆抽刃而絕帝聞太驚省表覽涕使太中大夫
賈册賜歙中郎將征羌侯印綬謚曰節侯詳本傳

溫序字次房太原祁人建武六年拜謁者遷護羌校尉序行部至襄武爲隗囂別將苟宇所拘劫欲降之不可宇等復曉譬之序素有氣力大怒叱宇等曰虜何敢迫脇漢將因以節撻殺數人賊衆爭欲殺之序止之曰此義士死節可賜以劍序受劍銜鬚於口顧左右曰旣爲賊所迫殺無令鬚开工遂伏劍而死馬成字君遷南陽棘陽人建武初爲期門從征伐有功七年封平舒侯八年從征破隗囂以成爲天水太守將軍如故九年代來欽守中郎將率武威將軍劉直隸秦州新志

卷之九 名宦上

八

尚等破河池餘詳本傳

馬援字文淵扶風茂陵人王莽以爲新成尹莽敗避地涼州隗囂甚敬重之以援爲緩德將軍與決籌策是時公孫述稱帝於蜀囂使援往觀之旣歸謂囂曰子陽井底蛙耳不如專意東方建武四年冬囂使援奉書洛陽與帝語帝甚壯之以爲待詔使太中大夫來欽持節送援西歸隴右隗囂與援共卧起問以東方流言及京師得失援盛稱帝闊達多大節畧與高帝同經學博覽政事文辯前世無比力勸囂歸命囂

雅信援故遂遣長子恂入質援因將家屬隨恂歸浴陽已求屯田長安上林苑中帝許之會隗囂用王元計意更狐疑援數以書記責譬於囂囂怨援背已得書增怒其後遂發兵拒漢援乃上疏自明且請伐囂帝乃詔援計事援具陳謀畫因使援將突騎五千往來游說囂將高峻任禹之屬下及羌豪爲陳禍福以離囂支黨援又爲書與囂將楊廣使曉勸於囂廣竟不答八年帝自西征囂至漆諸將多以王師之重不宜遠入險阻計允豫未決會召援夜至帝大喜引入直隸秦州新志

卷之九

名宦上

九

具以群議質之援因說隗囂將帥有土崩之勢兵進有必破之狀又於帝前聚米爲山谷指畫形勢開示衆軍所從道徑往來分析曲折昭然可曉帝曰虜在吾目中矣明日遂進軍至第一囂衆大潰九年拜援爲太中大夫副來歙監諸將平涼州自王莽末西羌寇邊遂入居塞內金城屬縣多爲虜有來歙奏言隴西侵殘非馬援莫能定十一年夏璽書拜援隴西太守援廼發步騎三千人擊破先零羌十三年武都叅狼羌與塞外諸種爲寇復破降之於是隴右清靜援

務開息信寬以待下任吏以職但總大體而已賓客
故人日滿其門諸曹時白外事援輒曰此丞掾之任
何足相煩頗哀老子使得邀遊若大姓侵小民黠羌
欲旅拒此乃太守事耳視事六年徵入爲虎賁中郎
將餘詳本傳

馬稜字伯威扶風茂陵人援族孫也曾守廣陵有惠
政永元二年轉漢陽太守復有威嚴稱餘詳本傳魯
謙扶風平陵人司徒恭之子爲隴西太守有名績

龐參字仲達河南緱氏人舉孝廉拜左校令坐法輪
直隸秦州新志

卷之九

名宦上

十

作永初元年涼州先零種羌反畔遣車騎將軍鄧騭
討之參於徒中上書言兵事會御史中丞樊準亦上
疏薦參太后納其言卽擢參於徒中召拜謁者使西
督三輔諸軍屯而徵鄧騭還四年羌寇轉盛兵費日
廣且連年不登穀石萬餘參奏記鄧騭請棄西域衆
議不同乃止拜參爲漢陽太守郡人任棠者有奇節
隱居教授參到先候之棠不與言但以薤一大本水
一盂置戶屏前自抱孫兒伏於戶下主簿白以爲倨
參思其微意良久曰棠是欲曉太守也水者欲吾清

也拔大本薤者欲吾擊強宗也抱兒當戶欲吾開門
恤孤也於是歎息而還參在職果能抑強助弱以惠
政得民元初元年遷護羌校尉時羌懷其恩信明年
燒當羌種號多等皆降餘詳本傳省志有馬賢傳功甚盛但非此州專官而事已具兵戎篇故畧之任尚同又有耿种傳言招降羌種三千餘戶考史本傳無此語西羌傳言延光元年冬麻奴等將種衆三千餘戶詣漢陽太守耿种降不言种有招降功也

馮緄字鴻卿巴郡宕渠人也少學春秋司馬兵法舉
孝廉順帝末遷隴西太守餘詳本傳

祝良長沙人博學有才幹以廉平見稱為涼州刺史

直隸秦州新志

卷之九 名宦

七

初除到州多所糾罰太守令長貶黜將羊橋元字公

祖梁國睢陽人桓帝時為漢陽太守時上邽令黃甫

止有臧罪元收考髡笞死於冀市一境皆震史無祝良傳據

陳龜疏中語著之

王奐字子昌河內武德人明五經負笈及追業趾交勢

利為考城令遷漢陽太守徵拜議郎卒

种嵩字景伯河南洛陽人冲帝時出凉州刺史遷漢

陽太守戎奪男女送至漢陽界及到郡化行羌胡禁

止侵掠餘詳本傳

段熲字紀明武威姑臧人延熹中兩爲護羌校尉累破西羌而東羌先零等自覆沒征西將軍馬賢後朝廷不能討遂數寇擾三輔其後度遼將軍黃甫規中郎將張奐招之連年旣降又叛桓帝詔問術畧熲因上言請自討帝許之建寧元年春熲將萬餘人破諸種於高平拜破羌將軍奐熲復追羌連破之餘衆悉散入漢陽山谷間時張奐上言東羌雖破餘種難盡殪性輕果慮負敗難常宜且以恩降可無後悔詔書下熲熲復上書爭之二年詔遣謁者馮禪說降漢陽南郡秦州新志

卷之九

名宦上

十一

散羌類以春農百姓布野羌雖暫降而縣官無廩必當復爲盜賊不如乘虛放兵執必殄滅奐熲自造營去羌所屯凡亭山四五十里遣田晏夏育將五千人據其山上羌悉衆攻之軍中恐晏等勸激兵士殊死大戰遂破之羌衆潰東奔復聚射虎谷分兵守諸谷上下門熲規一舉滅之不欲復令散走乃遣千人於西縣結木爲柵廣二十步長四十里遮之分遣晏育等將七千人銜枚夜上西山結營穿塹去虜一里許又遣司馬張愷等將三千人上東山虜乃覺之遂攻

曼等分遮汲水道頻自平步騎進擊水上羌却走因
與愷等挾東西山縱兵擊破之羌復敗散頻追至谷
上下門窮山深谷之中處處破之斬其渠帥以下萬
九千級獲牛馬驢騾氈裘廬帳什物不可勝數馮禪
等所招降四千人分置安定漢陽隴西三郡於是東
羌悉平凡百八十戰斬三萬八千六百餘級獲牛馬
羊騾驢駱駝四十二萬七千五百餘頭費用四十四
億軍士死者四百餘人更封新豐縣侯邑萬戶頻行
軍仁愛士卒疾病者親自瞻省手爲裹創在邊十餘
年未嘗一日葺寢與將士同苦故皆樂爲死戰餘詳
本傳

直隸秦州新志

卷之九 各宦上

三

傅燮字南容北地靈州人靈帝時以護軍司馬出討
張角因上書極言中官之害宦者趙忠見而忿惡及
破張角燮功多當封忠譖愆之竟不封後拜議郎會
西羌反邊章韓遂作亂隴右徵發天下役賦無已司
徒崔烈以爲宜棄涼州詔會公卿百官烈堅執先議
燮厲言曰斬司徒天下乃安尚書郎楊贊奏燮廷辱
六臣帝以問燮燮極言涼州一棄帝從燮議由是

朝廷重其方格頃之出爲漢陽太守初郡將范津明知人舉變孝廉及津爲漢陽與變交代合符而去鄉邦榮之變善恤人叛羌懷其恩化並來降附乃廣開屯田列置四十餘營時刺史耿鄙委任治中程球球爲通姦利市人怨之中平四年鄙率六郡兵討金城賊王國韓遂等變知鄙失衆必敗苦諫且可勿戰鄙不從行至狄道果有反者先殺程球次害鄙賊遂進圍漢陽城中兵少糧盡燬猶固守時北胡騎數千隨賊攻郡皆夙懷變恩共於城外叩頭求送變歸鄉里直隸秦州新志

卷之九 名宦上

丙

子幹年十三從在官舍知變性剛有高義恐不能屈志以免進諫曰國家昏亂遂令大人不容於朝今天下已叛而兵不足自守鄉里羌胡先被恩德欲令棄郡而歸願必許之徐至鄉里率厲義徒見有道而輔之以濟天下言未終變慨然而歎呼幹小字曰別成汝知吾必死邪蓋聖達節次守節且殷紂之暴伯夷不食周粟而死仲尼稱其賢今朝廷不甚殷紂吾德亦豈絕伯夷世亂不能養浩然之志食祿又欲避其難乎吾行何之必死於此幹哽咽不能復言左右皆

泣下王國使故酒泉太守黃衍說燮曰成敗之事已可知矣天下非復漢有府君寧有意爲吾屬師乎燮案劍叱衍曰若剖符之臣反爲賊說邪遂麾左右進兵臨陣戰歿諡曰壯節侯詳本傳

蓋勳字元固敦煌廣至人也初舉孝廉爲漢陽長史時武威太守倚恃權執恣行貪橫從事武都蘇正和案致其罪涼州刺史梁鵠畏懼貴戚欲殺正和以免其負乃訪之於勳勳素與正和有仇或勸勳可因此報隙勳曰不可謀事殺良非忠也乘人之危非仁也直隸秦州新志

卷之九

各宦上

五

乃諫鵠勿殺正和正和喜於得免詣勳謝勳不見曰吾爲梁使君謀不爲蘇正和也怨之如初中平元年北地羌胡與邊章等寇亂隴右刺史左昌因軍與斷盜數千萬勳固諫昌怒乃使勳別屯阿陽以拒賊鋒欲因軍事罪之而勳數有戰功邊章等遂攻金城殺郡守陳懿勳勸昌救之不從邊章等進圍昌於冀昌懼而召勳勳初與從事辛曾孔常俱屯阿陽及昌檄到曾等疑不肯赴勳怒曰昔莊賈後期穰苴奮劍今之從事豈重於古之監軍哉曾等懼而從之勳卽率

兵救昌到乃誚讓章等責以背叛之罪皆曰左使君若早從君言以兵臨我庶可自改今罪已重不得降也乃解圍而去昌坐斷盜徵以扶風宋臬代之臬患多寇叛謂勲曰涼州寡於學術故屢致反暴今欲多寫孝經令家家習之庶或使人知義勲諫曰昔太公封齊崔杼殺君伯禽侯魯慶父篡位此二國豈乏學者今不急靜難之術遽爲非常之事旣足結怨一州又當取笑朝廷勲不知其可也臬不從遂奏行之果被詔書詰責坐以虛慢徵時叛羌圍護羌校尉夏育直隸秦州新志

卷之九

各宦上

去

於畜官勲與州郡合兵救育至狐槃爲羌所破勲收餘衆百餘人爲魚麗之陳羌精騎夾攻之急士卒多死勲被三創堅不動乃指木表曰必尸我於此句就種羌滇吾素爲勲所厚乃以兵扞衆曰蓋長史賢人汝曹殺之者爲負天勲仰罵曰死反虜汝何知促來殺我衆相視而驚滇吾下馬與勲勲不肯上遂爲賊所執羌戎服其義勇不敢加害送還漢陽後刺史楊雍卽表勲領漢陽太守時人饑相漁食勲調穀稟之先出家糴以率衆存活者千餘人後詳本傳

三國

諸葛亮字孔明琅琊陽都人佐先主成帝業以丞相錄尚書事後主卽位領益州牧建興五年率諸軍北駐漢中六年春揚聲出斜谷道取郿使趙雲鄧芝爲殲軍據箕谷魏大將軍曹真舉衆拒之亮身率諸軍攻祁山戎陣整齊賞罰肅而號令明南安天水安定三郡叛魏應亮關中響震魏明帝西鎮長安命張郃拒亮亮使馬謖督諸軍在前與郃戰於街亭謖違亮節度舉動失宜大爲郃所破亮拔西縣千餘家還於

直隸秦州新志

卷之九 名宦上

七

漢中九年亮復出祁山以木牛運糧盡退軍與魏將

張郃交戰射殺郃餘詳三國志本傳

舊志名宦有公予初疑公行軍

此地非官此地也轉念不爲專官而有功地方者皆得及名宦况徽縣兩當彼時屬漢則舊志或可無公而今志必當有也仍存之

夏侯淵字妙才沛國譙人從魏公操積功封博昌亭

侯建安二十八年馬超圍涼州刺史韋康於冀淵救

康未到康敗去冀二百餘里超來逆戰軍不利泝氏

反淵引軍還十九年趙衢尹奉等謀討超姜叙起兵

鹵城以應之衢等譎說超使出擊叙於後盡殺超妻

子超奔漢中還圍祁山叙等急求救淵使張郃督步騎爲前鋒超退走淵到諸縣皆已降韓遂在顯親淵欲襲取之遂走淵收遂軍糧追至畧陽城去遂二十餘里諸將欲攻之或言當攻興國氏淵以爲遂兵精興國城固攻不可卒拔不如擊長離諸羌長離諸羌多在遂軍必歸救其家若羌獨守則孤救長離則官兵得與野戰可必虜也淵乃留督將守輜重輕兵步騎到長離攻燒羌屯斬獲甚衆諸羌在遂軍者各還種落遂果救長離與淵軍對陣諸將見遂衆惡之欲直隸秦州新志

卷之九

名宦上

六

結營作塹乃與戰淵曰我轉鬪千里今復作營塹則士衆罷弊不可久賊雖衆易與耳乃鼓之大破遂軍得其旌麾還畧陽進軍圍興國氏王千萬逃奔馬超餘衆降隴右平餘詳本傳

魯芝扶風人世有名德爲西州豪族司馬懿引叅軍事轉天水太守郡鄰於蜀魏被侵掠戶口減削寇盜充斥芝傾心鎮衛更造城市數年間舊境悉復遷廣平太守天水夷夏慕德老幼赴闕獻書乞留芝魏明帝許焉仍策書嘉歎勉以黃霸之美餘詳晉書傳

芝後

八晉傳
在晉書

鄧艾字士載義陽棘陽人高貴鄉公髦時積功封安西將軍漢大將軍姜維圍雍州刺史王經於狄道艾殺之維退駐鍾提乃以艾爲安西將軍假節領護東羌校尉議者多以爲維力已竭未能更出艾獨決其必來頃之維果向祁山聞艾已有備乃回從董亭趣南安艾據武城山以相持維與艾爭險不克其夜渡渭東行緣山趣上邽艾與戰於段谷大破之乃以艾督隴右諸軍事進封鄧侯餘詳本傳

直隸秦州新志

卷之九 名宦上

九

晉

杜預字元凱京兆杜陵人秦始皇中爲河南尹司隸校尉石鑿以宿憾奏預免職時虜寇隴右以預爲安西軍司給兵三百人騎百匹到長安更除秦州刺史領東羌校尉輕車將軍假節屬虜兵強盛石鑿時爲安西將軍使預出兵擊之預以虜乘勝馬肥而官軍懸乏宜并力大運須春進討陳五不可四不須鑿大怒復奏預擅飾城門官舍稽乏軍興遣御史檻車徵詣廷尉以預尚主在八議以侯贖論其後隴右之事卒

如預策石鑿自軍還論功不實爲預所糾遂相讎恨
言論喧譁坐免官數年復拜度支尚書預以時歷差
舛不應畧度奏上二元乾度歷行於世初周廟歌器
至漢東京猶在御坐漢末喪亂不復存形制遂絕預
創意造成奏上之帝甚嘉歎焉在內七年損益萬機
不可勝數朝野稱美號曰杜武庫言其無所不有也
預公家之事知無不爲凡所興造必考度始終鮮有
敗事或譏其意碎者預曰禹稷之功期於濟世所度
幾也預好爲後世名常言高岸爲谷深谷爲陵刻石

直隸秦州新志

卷之九 名宦上

三

爲二碑紀其勲績一沉萬山之下一立峴山之上曰
焉知此後不爲陵谷乎預身不跨馬射不穿札而每
任大事輒居將帥之列旣立功之後從容無事乃耽
思經籍爲春秋左氏經傳集解又參考衆家譜第謂
之釋例又作盟會圖春秋長歷備成一家之學時王
濟解相馬又甚愛之而和嶠頗聚斂預常稱濟有馬
癖嶠有錢癖武帝曰卿何癖對曰臣有左傳癖初預
從鍾會代蜀察佐並遇害唯預以智獲免

胡烈字元武安定臨涇人泰始初爲秦州刺史六年

涼州鮮卑秃髮樹機能叛烈討之屯於萬斛堆爲虜
所圍無援遇害

舊志晉名宦有郗恢恢爲東晉秦州刺史非此真秦州也故去之又後秦

姚頊德有功此地顧
僞官也亦併略之

元魏

封勅文代人始光初爲秦益二州刺史賜爵天水公
鎮上邽有詔率步騎七千征吐谷渾慕利延兄子拾
歸於枹罕衆少不能制詔遣安遠將軍廣川公乙烏
頭等二軍與勅文會隴右軍次武始拾歸夜遁勅文
入枹罕虜拾歸妻子及其民戶分徙千家於上邽金

直隸秦州新志

卷之九

名宦上

三

城邊問天水梁會謀反扇動秦益二州雜人萬餘戶
據上邽東城攻逼西城勅文先已設備殺賊百餘人
賊乃引退問會復率衆四千攻城氏羌一萬屯於南
嶺依官屠各及諸雜戶二萬餘人屯於北嶺爲問等
形援勅文遣二將領騎二百設備門內別令騎出擊
之旣而僞退問率衆騰逐勅文輕騎橫衝大破之斬
問而北嶺之賊從高射勅文軍飛矢如雨梁會得奔
北嶺騎乃引還復推會爲主勅文分兵二百人突入
南城燒其門樓賊見火起衆皆驚亂又遣步卒攻門

尅之便率騎士馳入賊餘焚圍門出走奔入東城東背追擊殺千餘人安豐公閻根率軍助勅文勅文亦表請遣將助勅未及報梁曾謀欲逃遁先是勅文搆重塹於東城之外斷賊走路夜中會乃騰塹而走勅文先嚴兵於塹外拒鬪從夜至旦勅文謀於衆曰困獸猶鬪而况於人賊衆知無生路人自致死必傷士衆若開其生路賊必上下離心尅之易矣衆咸以爲然初勅文以白虎幡宣告賊衆曰若能歸降原其生命應時降者六百餘人會知人心沮壞於是分遣勅

直隸秦州新志

卷之九 名宦上

三

文縱騎躡之死者大半俘獲四千五百餘口畧陽王元達因梁會之亂聚衆攻城招引休官屠各之衆推天水休官王宦興爲秦地王勅文與臨淮公莫真討之軍次畧陽勅文遣使慰喻而元達等二千餘人屯於松多川乃部分諸軍三道並攻賊出營拒戰大破之俘三千人高宗時與新平公周益擊劉駿將殷孝祖於清東不尅天安元年五月卒

世祖時秦州刺史薛謹甚有政績然

據其所指是蒲坂之秦州故不列

李孝伯趙郡人明達政事朝野咸推興安二年出爲

平西將軍秦州刺史太安五年卒官謚文昭餘詳魏書本傳

樂平王拓跋丕太宗子泰常七年拜車騎將軍後督諸軍討楊難當軍至畧陽禁令齊肅所過無私百姓爭致牛酒拓跋焘陳晉王虔後也爲將南征破斬宋

將劉康祖高宗卽位除秦州刺史餘各詳本傳

又拓跋廩

汗明於斷决秦州父老諸闕乞爲刺史朝廷許之未及遭遇病卒故不列

乙乾歸代人有氣幹習書好兵法顯祖初除秦州刺

史有惠政李惠中山人思皇后之父也顯祖初爲秦

直隸秦州新志

卷之九 名宦上

三

益二州刺史轉雍州歷政有美績餘各詳本傳

穆亮字幼輔代人起家侍御高祖初除使持節秦州

刺史在州末期大著聲稱徵殿中尚書餘詳本傳

于烈代人善射少言有不可犯之色少拜羽林中郎

後遷屯田給納太和初秦州刺史尉洛侯雍州刺史

宜都王目辰長安鎮將陳提等貪殘不法烈受詔案

驗咸獲贓罪洛侯目辰等皆致大辟提坐徙邊詔烈

仍以本官行秦雍二州事餘詳本傳

呂羅漢幽州人父溫字晞陽爲秦州司馬有治名卒

賜贈謚羅漢仁篤慎密弱冠以武幹知名父溫之佐秦州羅漢隨侍隴右氏楊難當率衆數萬寇上邽秦民多應之鎮將元意頭知羅漢善射共登西城樓令羅漢射難當隊將及兵二十三人應弦而殪賊衆轉盛羅漢進計曰今若不出戰示教以弱衆情攜貳大事去矣意頭善之卽簡千餘騎令羅漢出戰羅漢與諸騎策馬大呼直趨難當軍衆皆披靡殺難當左右隊騎八人難當大驚會世祖賜難當璽書責其跋扈難當乃引還仇池意頭具以狀聞世祖嘉之徵爲羽直隸秦州新志

卷之九 名宦上

四

林中郎上邽休官呂豐屠各王龍廉等八千餘家據險爲逆詔羅漢率騎一千討擒之後爲鎮西將軍秦益二州刺史時仇池氏羌反攻逼略谷鎮將吳保元走登百頃請援於羅漢羅漢卽步騎隨長孫觀掩擊氏羌大破之斬其渠帥賊衆退散詔加勞勉氏羌叛逆遂甚所在蜂起道路斷絕其賊帥蠻廉符所等皆受宋氏官爵鐵券峽陽公伏阿奴爲都將與羅漢赴討所在破之生擒廉所守秦益阻遠南連仇池西接赤水諸羌恃險數爲叛逆自羅漢蒞州撫以威惠西

戎懷德土境恬然高祖復詔美之卒賜命服謚莊公
餘詳本傳

于提代人高祖時使高車其王以兵脅之降提不從
厲聲責之拘三歲得還高祖嘉之拜隴西太守賜爵
五等男

劉藻字彥先廣平易陽人永安中歸魏歷官稱職太
和中山岐州轉秦州刺史秦人恃險率多粗暴或拒
課輸或害長吏自前守率皆依州通領不入郡縣
藻開示恩信誅戮豪橫羌氏憚之守宰於是始得居
直隸秦州新志

卷之九 名宦上

三五

其舊所遇車駕南征以藻爲東道都督秦人紛擾詔
藻還州人情乃定餘詳本傳

李韶字元伯隴西狄道人高祖時爲秦州大中正後
緣他事除官爵久之復起呂苟兒反於秦州除撫軍
將軍西道都督行秦州事與右衛將軍元麗率衆討
之事平卽真璽書勞勉復其先爵時隴右新經師旅
之後百姓多不安業韶善撫納甚得夸夏之心弟彥
字次仲初爲秦州大中正肅宗時爲撫軍將軍秦州
刺史刑政過猛爲下所怨城民薛珍劉慶社超等因

四方離叛遂潛結逆謀正光五年六月突入州門擒
彥囚於西府旋害之後追贈司徒謚孝貞餘俱詳本
傳

邢巒字洪賓河間鄭人兼文武朝野瞻望世宗時
拜使持節安西將軍梁秦二州刺史餘詳本傳

張彞字慶賓清河東武城人性公彊有風氣世宗時
除安西將軍秦州刺史彞務尚典式考訪故事及臨
隴右彌加討習於是出入直衛方伯威儀赫然可觀
羌夏畏伏憚其威整一方肅靜號爲良牧其年冬太

直隸秦州新志

卷之九 名宦上

六

極初就彞與郭祚等俱以勤舊被徵及還州進號撫
軍將軍彞表解州任詔不許彞敷政隴右多所制立
宣布新風革其舊俗民庶愛仰之爲國造佛寺名曰
興皇諸有罪咎者隨其輕重謫爲土木之功無復鞭
杖之罰會高肇以私憾譖彞於世宗稱彞擅立刑法
勞役百姓詔遣直後萬貳興馳驛檢察貳興肇所親
愛必欲致彞深罪彞清身奉法求其愆過遂無所得
見代還洛餘詳本傳

杜纂字榮孫常山九門人少以清苦自立積官至南

秦州武都太守正始中遷漢陽太守並以清白爲名
蔬食敝衣終無受納爲百姓所思

按宋書兩漢陽郡一屬秦州一屬南

秦州今無以知其爲何郡也姑依舊志存之

梁昕字元明安定烏氏人正光五年秦隴搆亂蕭寶
夤爲大都督出討以昕爲行臺參軍孝昌初拜濫寇
將軍稍遷驥威將軍給事中仍從寶夤征万俟醜奴
前後數十戰以功封征西將軍爾朱天光入關復引
爲外兵參軍從天光征討拜右將軍太中大夫後詳

周書傳昕後

直隸秦州新志 卷之九 名宦上 七

辛雄字世賓隴西狄道人廉謹雅素有學術歷主朝
廷大議普泰時爲秦州大中正餘詳本傳

李和本名慶和朔方人從賀拔岳以功遷征北將軍
尋除漢陽郡守治存寬簡百姓稱之周惠達字懷文
章武文安人爲賀拔岳從事侯莫陳悅害岳得惠達
欲官之惠達辭以疾不見許乃遁入漢陽之麥積崖

按此亦可悅平惠達歸宇文泰卽用爲秦州司馬安

輯隴右餘各詳周書傳二人後亦入周

周

趙貴字元貴卽天水南安人魏末從賀拔岳平關中
爲都督侯莫陳悅害岳貴圖報之首議迎宇文泰悅
平泰卽用貴以本將軍持節行秦州事當州大都督
爲政清靜民吏懷之常善高陽人魏孝昌中積功至
龍驤將軍後從周太祖平侯莫陳悅除天水郡守孝
武西遷大統中復除使持節衛將軍秦州刺史梁臺
字洛都長池人也父去斤魏獻文時爲隴西郡守臺
少果敢有志操孝昌中從爾朱天光討平關隴大小
二十餘戰以功授子都督賜爵隴城鄉男普泰初進
直隸秦州新志

卷之九

名宦上

六

授都督後隸侯莫陳悅討南秦州群盜平之悅表臺
爲假節衛將軍進封隴城縣男尋行天水郡事治有
聲績天光敗賀拔岳又引爲心膂岳爲侯莫陳悅所
害臺與諸將議翊戴太祖從討悅破之又拜天水郡
守餘各詳周書本傳

獨孤信雲中人在魏累有功從孝武帝西遷文帝大
統六年除隴右十州大都督秦州刺史先是守宰闇
弱政令乖方民有冤訟歷年不能斷決及信在州事
無擁滯示以禮教勸以耕桑數年之中公私富實流

民願附者數萬家七年岷州刺史赤水蕃王梁企定舉兵反詔信討之企定尋爲其部下所殺而企定子仍收其餘衆信乃勒兵向萬年頓三交口賊併力拒守信因詭道趨綱松嶺賊不虞信兵之至望風奔潰乘勝迤北徑至城下賊並出降後復拒齊神武於邯山十二年擒宇文仲和於涼州拜大司馬十四年信在隴右歲久敬求還朝不許十六年大軍東討信率隴右數萬人從軍至峭坂而還遷尚書令信風度宏雅有奇謀大畧大祖初啟霸業唯有關中之地以隴直隸秦州新志

卷之九

名宦上

元

右彤勝故委信鎮之旣爲百姓所懷聲振鄰國東魏將侯景之南奔梁也魏收爲檄梁文矯稱信據隴右不從宇文氏仍云無關西之憂欲以威梁人也又信在秦州嘗因獵日暮馳馬入城其帽微側詰旦而吏民有戴帽者咸慕信而側帽焉其爲隣境及士庶所重如此宇文虬字樂仁代武川人魏孝武時累從獨孤信有戰功大統七年除漢陽郡守又從獨孤信討梁企定破之餘各詳本傳

宇文導字菩薩泰兄子也從泰西徂侯莫陳悅悅敗

走導率騎追斬之大統中爲大都督華州刺史會侯
景舉河南來附遣使請援朝議將應之乃徵爲隴右
大都督秦南等十五州諸軍事秦州刺史導性寬明
善於撫御凡所引接人皆盡誠臨事敬慎常若弗及
深爲吏民所附魏恭帝元年薨於上邽贈本官加尚
書令秦州刺史謚曰孝朝議以導撫和西戎威恩顯
著欲令世鎮隴右以彰厥德乃葬於上邽城西無疆
原華戎會葬有萬餘人奠祭於路悲號滿野大小相
率負土成墳其遺愛見思如此子廣周世宗卽位授

直隸秦州新志

卷之九 名官上

三

驃騎大將軍出爲秦州刺史高祖保定三年復除秦
州總管十三州諸軍事秦州刺史廣性明察善綏撫
民庶畏而悅之時晉公護諸子及廣弟杞國公亮等
服玩侈靡踰越制度廣獨率由禮則又折節待士朝
野以是稱焉天和末以母喪毀卒其故吏儀同李充
信等上表請從廣志葬從簡約詔許之於是贈本官
加太保葬於隴西廣薨復以弟亮爲秦州總管廣之
所部悉以配焉亮在州甚無政績晉公護誅後亮心
不自安唯縱酒而已高祖手敕讓之餘俱詳本傳

侯莫陳瓊代郡武川人凡崇爲魏安北將軍從宇文泰平侯莫陳悅秦卽遣崇慰撫秦州瓊字世樂八歲喪父養母至孝善事諸兄人皆敬之魏大統三年遷北秦州刺史周建德二年拜大宗伯出爲秦州總管餘詳本傳

念賢字蓋盧魏時積功至大都督大統初拜太尉出爲秦州刺史加太傅給後部鼓吹五年除都督秦渭原涇四州諸軍事秦州刺史薨於州謚曰昭定餘詳本傳

直隸秦州新志

卷之九 名宦上

三

李弼字景和遼東襄平人魏時隸侯莫陳悅爲大都督太昌初授清水郡守隨悅征討屢有尅捷及悅害賀拔岳軍停隴上太祖自平涼進軍誅悅弼諫悅曰岳旣無罪而公害之又不能撫納其衆使無所歸宇文夏州敗而用之得其死力咸云爲主將報讐其意固不小也今宜解兵謝之不然恐必受禍悅惶惑計無所出弼知悅必敗乃謂所親曰宇文夏州才畧冠世德義可宗侯莫陳公智小謀大豈能自保吾等若不爲計恐與之同至族滅會太祖軍至悅乃棄秦州

南出據險以自固翌日弼密通使太祖許皆悅來降
夜弼乃勒所部云侯莫陳公欲還秦州汝等何不束
裝弼妻悅之媿也特爲悅所親委衆咸信之人情驚
擾不可復定皆散走爭趨秦州弼乃先馳據城門以
慰輯之遂擁衆以歸太祖悅由此遂敗太祖謂弼曰
公與吾同心天下不足平也破悅得金寶奴婢悉以
好者賜之仍令弼以本官鎮原州尋拜秦州刺史餘
詳本傳

趙昶字長舒天水南安人後家於代大統初周太祖
直隸秦州新志

卷之九 名宦上

三

擢爲相府典籤九年大軍失律於芒山清水氏酋李
鼠仁自軍逃還憑險依亂隴右大都督獨孤信頻遣
軍擊之不克太祖將討之欲先遣觀其勢顧問誰可
爲左右莫對昶曰此小豎爾以公威孰不聽命太祖
壯之遂令昶使焉昶見鼠仁喻以禍福群凶聚議或
從或否其逆命者復將加刃於昶而昶神色自若志
氣彌厲鼠仁感悟遂相率降氏梁道顯叛攻南由太
祖復遣昶慰諭之道顯等皆卽款附魏恭帝初加驃
騎大將軍開府議同三司潭水羌叛殺武陵潭水二

郡守昶率儀同駱天义等騎步五千討平之周世祖
初鳳州人仇周貢魏興等反自號周公有衆八千人
破廣化郡攻沒諸縣分兵西入圍廣業修城二郡廣
業郡守薛爽修城郡守位杲等請昶爲援昶遣使報
杲爲周貢黨樊伏興等所獲興等知昶將至解修城
圍據泥功嶺設六伏以待昶昶至遂遇其伏合戰破
之廣業之圍亦解昶追之至泥陽川而還錄功進爵
長道郡公餘詳本傳

長孫儉元偉兪河南洛陽人儉孝昌中起家員外散
直隸秦州新志

卷之九

名宦上

三

騎侍郎從爾朱天光破隴右太祖臨夏州以爲錄事
深器敬之經綸謀策儉皆參預從平侯莫陳悅留儉
爲秦州長史偉魏昭成帝之後少好學有文雅世宗
初除隴右總管府長史張軌字元軌濟北臨邑人魏
恭帝二年除隴右府長史卒於位性清素卒後家無
餘財惟書數百卷郭彥太原陽曲人歷官有功績天
和元年亦除隴右總管府長史卒於位皇甫璠字景
瑜京兆人保定中除隴右總管府長史數進官復出
爲隴右長史性平和小心奉法安分守志恒以清白

自處當時號爲善人餘各詳本傳

蘇亮字景順武功人大統二年拜給事黃門侍郎領中書舍人魏文帝子宜都王式爲秦州刺史以亮爲司馬帝謂亮曰黃門侍郎豈可爲秦州司馬直以朕愛子出蕃故以心腹相委勿以爲恨臨辭賜以御馬王子直字孝正京兆杜陵人大統四年由尚書左丞出爲秦州總管府司馬時涼州刺史宇文仲和據州逆命子直從隴右大都督獨孤信討平之後吐谷渾寇西平以子直兼尚書兵部郎中出隴右經畧之大直隸秦州新志

卷之九 名宦上

三

破渾衆十六年魏齊王廓出牧秦隴復以子直爲秦州別駕餘各詳本傳

劉璠字寶義廣陵人宦於梁後降周世宗初以中大夫左遷同和郡守善於撫御蔡公廣時鎮隴右嘉璠善政及遷鎮陝州欲取璠白隨羌人樂從者七百人聞者莫不歎異陳公純作鎮隴右引爲總管府司錄甚禮敬之餘詳本傳

杜杲字子暉京兆杜陵人涉學有幹畧大統中爲漢陽郡守餘詳本傳

豆盧永恩昌黎徒何人兄寧曾爲軍司監隴右諸軍事歷封武陽郡公周初以佐命元勳封楚國公永恩少有識度爲時輩所稱周初隨寧積功封沃野縣公邑一千戶尋轉隴右總管府長史後累遷官保定二年復出爲隴右長史寧旣封楚國公請以先封武陽郡三千戶益沃野之封詔許焉餘詳本傳

尉遲運代人大司空綱之子宣帝初卽位授上柱國初帝爲太子運爲宮正數有進諫反疏忌之至是運懼及禍尋而得出爲秦州總管秦渭等六州諸軍事直隸秦州新志

卷之九 名宦上

三五

秦州刺史然運至州猶懼不免大象元年二月遂以憂薨於州贈本官謚曰中餘詳本傳

隋

竇榮定扶風平陵人歷魏周積官至開府前將軍隋初以與佐命拜上柱國大將軍尋除秦州總管突厥沙鉢略寇邊以爲行軍元帥率九總管步騎二萬出涼州與虜戰於高越原兩軍相持其地無水士卒渴甚至刺馬血而飲死者十有二三榮定仰天太息俄而澍雨軍乃復振於是進擊數挫其鋒突厥憚之請

盟而去餘詳隋書本傳

賀婁子幹字萬壽本代人隨魏氏南遷世居關右周大象初除秦州刺史隋受禪吐谷渾寇邊西方多被其害命子幹討破之高祖以隴西頗被寇掠甚患之彼俗不設村塢勅子幹勸民爲堡營田積穀以備不虞子幹上書謂不必高祖從之餘詳本傳

乞伏慧字令和馬也鮮卑人於齊封王於周封公於隋歷諸州總管刺史皆有功年逾七十求致仕不許再管數州風化大洽轉秦州總管煬帝卽位爲天水直隸秦州新志

卷之九 名宦上

三

太守大業五年征吐谷渾郡濱西境民苦勞役又遇帝西巡坐爲道不整獻食疎薄帝大怒命左右斬之

見其無髮乃釋除名爲民詳本傳

長孫晟功名最盛考本傳爲秦川行

軍總管則未知果爲秦州否與故官師列之而於此闕疑

秦孝王俊字阿祇高祖第三子也開皇三年遷秦州總管隴右諸州盡隸焉俊仁恕慈愛崇敬佛道請爲沙門上不許餘詳本傳

楊汪字元度河東人精左氏傳通三禮開皇初歷秦州總管長史名爲明幹張虔雄清河東武城人有才

器秦孝王俊爲秦州總管選爲法曹參軍王嘗親案
囚徒處雄誤不持狀口對百餘人皆盡事情同輩莫
不歎服房彥謙字孝冲齊人通涉五經解屬文雅有
詞辨風概高人開皇初遷秦州總管錄事參軍嘗因
朝集時左僕射高熲定考課彥謙謂熲曰書稱三載
考績黜陟幽明唐虞以降代有其法黜陟合理褒貶
無虧便是進必得賢退皆不肖如或舛謬法乃虛設
此見諸州考校執見不同進退多少參差不類况復
愛憎肆意致乖平坦清介孤直未必高名卑諂巧官
直隸秦州新志

卷之九 名宦上

三七

翻君上等直爲真偽混淆是非替亂宰貴既不精練
斟酌取捨曾經驅使者多以蒙識獲成未歷臺省者
皆爲不知破退又四方懸遠難可詳悉唯量準人數
半破半成徒計官員之少多莫顧善惡之衆寡欲求
允當其道無由明公鑒達幽微平心遇物今所考校
必無阿枉脫有前件數事未審何以裁之唯願遠布
耳目精加採訪褒秋褒之善貶纖介之惡非直有光
至治亦足標獎賢能詞氣儼然觀者屬目熲爲之動
容深見嗟賞因歷問河西隴右官人景行彥謙對之

如響頰顧謂諸州總管刺史曰與公言不如獨與秦州考使語敬肅字宏儉河東蒲坂人開皇初爲安陵令有能名擢拜秦州司馬餘各詳本傳

劉子翊彭城人開皇初累轉秦州司法叅軍事後爲賊害詳本傳

馮益字明達高州良德人世爲本郡太守仁壽中擊破叛獠拜漢陽太守餘詳本傳

韓洪字叔明河南東垣人擒虎季弟也先爲代州總管與突厥苦鬪大業時拜隴西太守未幾朱崖民王

直隸秦州新志

卷之九 名宦上

三

萬昌作亂詔洪擊平之以功加位金紫光祿大夫領郡如故俄而萬昌弟仲通復叛又詔洪討平之詳本傳

直隸秦州新志卷之九中

唐

竇軌字士則岐州平陸人唐初以功擢太子詹事赤
排羌與薛舉叛將鍾俱仇寇漢中拜秦州總管討賊
連戰有功餘黨悉降餘詳本傳

韓仲良京兆三原人武德初與定律令請崇寬簡終
刑部尚書秦州都督府長史

韋思謙鄭州陽武人爲御史劾中書令褚遂良遂良
復入相出思謙清水令或弔之答曰吾猶直觸機輒

直隸秦州新志

卷之九

名宦中

一

發暇卹身乎丈夫當敢言地要須明日張膽以報天
子焉能錄錄保妻子和餘詳本傳

盧承慶字子餘幽州涿人博學而才貞觀初爲秦州
叅軍入奏軍事太宗偉其辯擢考功員外郎餘詳本
傳

崔善爲貝州武城人巧於歷數爲尚書右丞用清察
稱貞觀中爲秦州刺史餘詳本傳

許欽寂安州安陸人萬歲通天元年契丹入寇詔爲
隴山軍討擊副使戰崇州敗爲虜所擒方圍安東脅

令說屬城未下者欽寂呼安東都護裴元珪曰賊朝夕當滅幸謹守賊怒害之贈蘄州刺史謚曰忠
元宗靖恭太子琬曾領隴右節度大使又詔親巡按隴右選關內河東飛騎五萬防盛秋琬風格秀整有素望中外倚之早薨莫不爲國悵恨
張嘉貞字嘉貞范陽舊姓歷梁秦二州都督政以嚴辦吏下畏之後至宰相李適之恒山愍王孫開元中歷刺史以辦治聞擢秦州都督政不苛細爲下所便後至宰相各詳本傳

直隸秦州新志

卷之九

名宦中

二

劉秩字祿卿子立子官員外郎坐小累下除隴西司馬安祿山反哥舒翰守潼關楊國忠欲奪其兵秩上言翰兵天下成敗所繫不可忽房琯見其書以比劉更生

郭知運字逢時瓜州晉昌人長七尺猿臂虎口以格鬪功累補秦州三度府果毅積功至隴右諸軍節度大使再以功兼隴右經畧使子英父字元武以武勇名祿山亂拜秦州都督隴右採訪使賊將高嵩擁兵入汧隴英父僞勞之且具饗旣而伏兵發盡虜其衆

至德二載加隴右節度使餘俱詳本傳

王忠嗣華州鄭人父海賓豐安軍使開元二年與吐

蕃戰死之忠嗣時九歲元宗撫之曰此去病孤也既

壯累功至河西隴右節度權辦方河東節度佩四將

印後為李林甫所誣應死會哥舒翰請以已官贖乃

貶漢陽太守舊州志言今秦州城始哥舒翰其先蓋

突騎施酋長哥舒部之裔先事忠嗣署衙將後積功

副隴右節度忠嗣被罪翰入朝叩頭且泣極言忠嗣

枉朝廷稱其義王思禮高麗人初與哥舒翰同事王

直隸秦州新志 卷之九 名宦中 三

忠嗣翰節度隴右思禮復事翰以功授關西兵馬使

從討九曲後期當斬臨刑翰釋之思禮徐曰死固分

也何復貸為諸將壯之肅宗時復為隴右行營兵馬

使餘各詳本傳按唐時隴右節度如王君奭馬璘李

或兼河西於官太泛又事蹟無特係此州者故多畧

之又如李西平功業最盛然官稱鳳翔隴右涇原節

度而事在鳳翔涇裴行儉字守約絳州聞喜人上元中吐蕃叛由洮州

總管改秦州右軍因册送波斯王道出西蕃計擒叛

酋阿史那都支降李遮哥悉俘至京帝親勞宴餘詳

本傳

韋倫系本京兆乾元中爲山南東道節度使不肯謁李輔國中罷爲秦州刺史吐蕃黨項歲入邊倫兵少數格虜後進太子少師郢國公餘詳本傳

李芄字茂初趙州人解褐上邽主簿後至檢校尚書右僕射詳本傳

郝廷玉李光弼愛將驍勇善鬪又得光弼布陣法累爲秦州刺史詳本傳

劉雍盧龍節度使怱之次子濟毋弟也涉書史有材

直隸秦州新志

卷之九 名宦中

四

武好施愛士能得人死力始事朱滔常陳君臣大分裁抑其凶及怱得幽州不三月病且死雍侍湯液未嘗離輒以父命召濟於莫州濟嗣總軍事故德雍之讓以爲瀛州刺史有如不諱許代已久之濟自用其子爲副大使雍不能無恨因請以所部爲天子戍隴悉發其兵千五百馳歸京師無一卒敢違令者德宗甚寵之拜秦州刺史屯普潤軍中不設音樂士卒病親存問所欲不幸死哭之憲宗立方士羅令則詣雍營妄言廢立以動雍命繫之辭曰吾之黨甚衆公無

囚我約大行梓宮發兵無不濟擁械送闕下殺之錄
功號其軍曰保義蕃戎畏憚不敢入寇常愾然有復
河湟志屢爲朝廷言之未見省累封彭城郡公及病
籍士馬求代旣還卒於道贈尚書右僕射謚曰景
魯吳幽州薊人畧通書史以蔭補左羽林長上隴右
節度使哥舒翰引爲別奏顏真卿嘗使隴右謂翰曰
君興郎將總節制亦嘗得人乎吳時立階下翰指曰
是當爲節度使後歷山南襄鄧淮西三節度使詳本
傳

直隸秦州新志 卷之九 名宦中 五

張鑑字季權一字公度國子祭酒後允五世孫也以
剛直爲盧杞所忌因朱泚以盧龍卒戍鳳翔帝卽命
鑑爲鳳翔隴右節度使用代泚頃之與吐蕃相尚結
贊盟清水約牛馬爲牲鑑耻與盟將末殺其禮乃給
語吐蕃以羊豕犬代之餘詳本傳 德宗時隴右旣失
李元諱爲隴右節
度治良原良原不知何地其下文云涇隴以安恐是
涇原之間也憲宗時李勣爲鳳翔隴右節度亦不知
治何所
皆不載

五代

王思同幽州人善騎射好學喜爲詩唐明宗時以匡

國軍節度使徙鎮雄武是時吐蕃數爲寇而秦州無
亭障思同列四十餘柵以禦之居五年來朝明宗問
以邊事思同指畫山川陳其利害思同去明宗顧左
右曰人言思同不管事能若是邪於是始知其材後
死節詳本傳

趙上交涿州范陽人負才氣爲衆所推秦王從榮開
府以爲虞部員外郎因直諫怒出之歷秦州節度判
官從榮反禍僚屬皆坐斥上交由是知名餘詳宋史
傳後八

直隸秦州新志

卷之九 名宦中

六

侯益汾州平遙人歷事唐晉有戰功天福五年鎮秦
州克西面都部署益子仁矩亦從益歷官鎮秦州所
至有名績餘詳宋史傳後亦入宋按宋史晉少帝時
後事皆爲契丹恐非此秦
州也故職官各宦皆不載

焦繼勳字成績許州長社人少讀書有大志晉少帝
時爲宣徽南院使西人寇邊朝議發師致討繼勳抗
疏請行拜秦州觀察使兼諸蕃水陸轉運使旣至推
息信設方畧招誘諸郡酋長相率奉玉帛牛酒乞盟
邊境以安餘詳宋史傳後八

王景萊州掖人晉漢時歷知鄭滄州起身行伍而臨政不尚刻削民有訟必面詰之不至大過卽諭而釋去不爲胥吏所搖周時移鎮鳳翔世宗初加兼中書令先是秦鳳陷蜀州旁蕃漢戶詣闕請收復世宗命景與向拱率兵出大散關進討連陷砦柵遂命景爲西面行營都部署大破蜀軍於上邽斬首數萬級是秋秦州降逾年徙景鎮秦州兼西面緣邊都部署答居潤博州高唐人性明敏有節概顯德中從向拱西征爲行營都監秦鳳平以居潤爲秦州餘各詳宋史直隸秦州新志

卷之九 名宦中 七

傳後皆入宋

宋

高防字修已并州壽陽人累世將家性沉厚守禮法建隆二年以尚書左丞出知秦州州與夏人雜處罔知教養防齊之以刑舊俗稍革州西北夕陽鎮連山谷多大木夏人利之防議建採造務闢地數百里築堡要地自渭而北夏人有之自渭而南秦州有之募卒三百歲獲木萬章夏部尚波千等率諸族千餘人涉渭奪木筏殺役兵防出與戰俘四十七人以獻太

祖慮擾邊郡詔諭酋帥賜所獲之俘錦袍銀帶以遣之命吳廷祚爲節度以代防廷祚字慶之并州太原人宋初爲東京留守建隆三年夏帝謂之曰卿掌樞務有年於茲與卿秦州以均勞逸明日制出恐卿以離朕左右爲憂故先告卿卽以爲雄武軍節度代高防賈詔放尚波千等夏人感悅來獻地廷祚子元載建隆初曾鎮秦雍熙三年復知秦州州民李益者爲長道縣酒務官家饒於財僮奴數千指恣橫持郡吏短長長吏而下皆畏之民負息錢者數百家郡爲督

直隸秦州新志

卷之九 名宦中

八

理如公家租調獨推官馮伉不從益遣奴數輩伺伉按行市中拽之下馬因毀辱之先是益厚賂朝中權貴爲庇護故累年不敗及伉屢表其事又爲邸吏所匿不得達後因市馬譯者附表以聞譯因入見上其表帝大怒詔元載逮捕之詔書未至京師權貴已報益益懼亡命元載以聞帝愈怒詔州郡物色急捕之獲於河中府民郝氏家鞠於御史府具得其狀斬之民皆飯僧相慶餘各詳宋史本傳是應爲伉立傳史載元載傳姑仍之劉熙古字義淳宋州寧陵人周顯德中曾爲秦州觀

察判官乾德初知秦州州境所接多寇患熙古至論以朝廷恩信取蕃部酋豪子弟爲質邊鄙以寧餘詳本傳

田仁朗大名元城人先知慶州太平興國初秦州羌爲寇命仁朗屯兵清水後復知秦州所至有善政劉文裕字以寧保州保塞人太平興國二年以內戚爲秦隴巡檢先是秦州羌戎爲寇朝廷遣文裕與田仁朗等屯兵清水會秦州判官李君愚之子飛雄詐爲勅使從東來盡縛文裕等欲械至秦州誅之遂爲亂直隸秦州新志

卷之九 名宦中

九

初飛雄詐宣制時自言我上南府時親吏文裕因哀告飛雄曰我亦嘗依晉邸使者豈不營救之乎飛雄低語謂文裕曰爾能與我同富貴否文裕覺其詐僞許之飛雄卽命左右釋文裕縛文裕策馬前附耳語仁朗仁朗佯墜馬若卒中風眩狀飛雄共前視之又釋其縛仁朗奮起搏飛雄與文裕共擒之餘各詳本傳

安德裕字益之河南人博貫文史尤精禮傳開寶二年擢進士甲科太平興國八年通判秦州就知州事

餘詳本傳

宋璫字寶臣華州渭南人太宗時以峽路轉運使召對出知秦州有善政就拜監察御史充陝西轉運使以韋亶代知秦州璫去州未百日亶坐事繫獄上以璫前有治績賜錢五十萬再命知秦州安集諸戎部內清肅餘詳本傳

溫仲舒字秉陽河南人舉進士歷官樞密副使淳化四年罷知秦州先是俗雜羌戎有兩馬家朵藏臬波等部唐末以來居於渭河之南大洛小洛門砦多產

直隸秦州新志

卷之九 名宦中

十

良木爲其所據歲調卒采伐給京師必以貲假道於羌戶然不免攘奪甚至殺掠爲平民患仲舒至部兵歷按諸砦諭其酋以威信諸部獻地內屬旣而悉徙其部落於渭北立堡砦以限之民感其惠爲畫像祠之會有言仲舒生事者上乃命知鳳翔薛惟吉與仲舒對易其任後有言所立砦堡得地甚利者復召仲舒拜戶部侍郎餘詳本傳

馬知節字子元幽州薊人太宗時以父蔭補官歷著戰功咸平初知秦州州嘗質羌酋支屬餘二十人踰

二紀矣知節曰羌亦人爾豈不懷歸悉遣之羌人感之訖終更不犯塞時州有銀坑歲久鑛竭課額弗除主吏破產償之不足知節請蠲之章三上乃允許洞字洞天蘇州吳縣人性疎雋有文學咸平中進士解褐雄武軍推官嘗詣府白事有卒踞坐不起卽杖之時馬知節知州洞又移書責之知節怒其狂狷不遜洞輒用公錢奏除名餘各詳本傳

雷有終字道成同州郃縣人歷平蜀中李順王均之亂著功名咸平末知秦州餘詳本傳從孫簡夫康定

直隸秦州新志

卷之九 各宦中

十一

中簽書秦州觀察判官公事亦有名唐肅字叔元杭州錢唐人舉進士調郿縣主簿徙秦州司理叅軍有商人寓逆旅而同宿者殺人亡去商人夜聞人聲往視之血沾商人衣爲捕吏所執州趣獄具肅探知其寃持之後數日得殺人者後守雷有終就辟爲觀察推官餘各詳本傳

李濬字德淵冀州信都人中進士真宗時知開封府能檢察隱微京師稱之累遷至右司郎中出知秦州餘詳本傳

張佶字仲雅華州渭南人始用蔭補官自以習儒業
獻文求試歷官又屢有戰守功大中祥符中爲鄜延
鈐轄會秦州李濬暴卒上語近臣曰天水邊要宜速
得人馬知節稱佶可任上然之遂改驥驥使就命知
秦州至州置四門砦開拓疆境邊部頗怨又臨渭置
采木場戎人不之爭移帳而去佶不甚存撫亦不奏
加賚賜邊人追悔引衆劫掠佶深入掩擊敗走之議
者又欲加息宗哥立遵等族以扼平夏佶請拒絕之
餘詳本傳

直隸秦州新志

卷之九 名宦中

三

曹瑋字寶臣武惠王彬少子沉勇有謀通春秋三傳
尤精左氏先知鎮戎軍知渭州撫夷有方隴山諸族
皆來獻地瑋築堡山外守之曰秦渭有警此必爭之
地也復知秦州兼涇原儀渭鎮戎緣邊安撫使時唃
廝囉強盛立遵佐之立遵乃上書求號贊普瑋言贊
普可汗號也立遵一言得之何以處唃廝囉耶且復
有求漸不可制乃以立遵爲保順軍節度使恩如廝
鐸督西羌將舉事必先定約束號爲立文法唃廝囉
使其寡賞樣丹與廝敦立文法於離王族謀內寇瑋

陰結厮敦解寶帶予之厮敦感激求自效問謂瑋曰
吾父何所使欲吾首猶可斷以獻瑋曰我知賞樣丹
時至汝帳下汝能爲我取賞樣丹首乎厮敦愕然應
之後十餘日果斷其首來獻南市地南市者
秦渭之阨也瑋城之表厮敦爲願州刺史初張佶知
秦州置四門砦侵奪羌地羌人多叛去畏得罪不敢
出瑋招出之令入馬贖罪還故地至者數千人每送
馬六十匹給綵一端築弓門治坊廩穰靜戎三陽定
西伏羌永寧小洛門威遠十砦浚壕三百八十里皆
直隸秦州新志

卷之九 名宦中

三

役屬羌廂兵工費不出民伏羌首領厮鷄波李磨論
私立文法瑋潛兵滅其帳其年喃厮羅率衆數萬大
入寇瑋迎戰二都谷追奔三十里斬首千餘級獲馬
牛雜畜器仗三萬餘馬渡叱騰立柵野吳谷瑋選募
神武軍二百人斬柵獲生口孳畜甚衆宗哥大首領
甘遵治兵丁任奴川瑋遣間殺遵及破魚用蟬所立
文法於吹麻城旣而河州洮蘭安江妙敦邈川黨通
諸城皆納質爲熟戶時瑋作塹抵授囉隴授囉隴西
藩要害地也先是瑋遣小吏楊知進護賜物通甘州

可汗王還過宗哥界立遵邀知進告曰秦州大人直以兵入授囉隴來幸爲我言願罷兵歲入貢約蕃漢爲一家因使種人黨失畢陵從知進來獻馬自是嘯嘶囉勢蹙退保磧中不出秦人請刻石紀功弟琮字寶章仁宗時遷秦州防禦使秦鳳路副都總管兼知秦州度羨材爲倉廩大積穀十渭冀城生羌屢入鈔邊琮懷以恩信擊牛醢酒犒之多請內屬寶元初南郊召入侍祠會元昊反拜同州觀察使復知秦州上攻守禦三策久之兼同管勾涇原路兵馬定國軍節

直隸秦州新志

卷之九 名宦中

十四

度觀察留後劉平石元孫敗關輔震恐琮請籍民爲義軍以張兵勢於是料簡鄉弓手數萬人賊寇山外還天都劫儀秦屬戶琮發騎士設伏以待之賊遂引去劉文質字士彬保州保塞人真宗時徙秦州鈐轄建小落門砦親率士版築會李濬知秦州因就賜白金五百兩後歷知邠州數從曹瑋出戰築堡障復徙秦州鈐轄子渙字仲章歷官有功業亦歷秦鳳總管餘各詳本傳

李及字幼幾鄭州人舉進士歷官太常少卿時曹瑋

久在秦州累章求代真宗問王旦誰可代者旦薦及衆議皆謂及雖謹厚有行檢非守邊之才及至秦州將吏心亦輕之會有屯駐禁軍白晝擗婦人銀釵於市中史執以聞及方坐觀書召之使前畧加詰問其人服罪及不復下吏亟命斬之復觀書如故將吏皆驚服不日聲譽達於京師或又頌旦知人之明旦笑曰禁軍白晝爲盜於市主將斬之事之常也旦之用及意非爲此夫以曹瑋知秦州七年羌人讐服邊境之事處之已盡其宜使他人往必矜其聰明多所變直隸秦州新志

卷之九 名宦中

十五

置敗壞成績以及重厚必能謹守瑋之規模而已矣
餘詳本傳

王承衍字希悅洛陽人平章審琦子也景德中真宗以天水近邊蕃漢雜處擇守臣撫治擢承衍知秦州承衍涉學喜爲詩多與士大夫遊餘詳本傳

陳堯咨字嘉謨閬州閬中人父省華字善則曾事孟昶蜀平授隴城主簿後歷大官皆有名蹟堯咨工隸書善射舉進士第一真宗末知秦州堯咨從子漸字鴻漸少以文學知名於蜀咸平初始仕爲天水縣尉

時學者罕通楊雄太元經漸獨好之著書十五篇號演元奏之後復調隴西防禦推官餘俱詳本傳

王凱并州太原人中書令全斌曾孫也真宗時歷與身人戰有功由涇州觀察徙秦鳳路辭曰帝諭以哺氏木征交易阻絕頗有入寇之萌宜安靜以處之凱至與主帥以恩信撫接遂復常貢餘詳本傳

李紘字仲綱宋州楚邱人進士及第歷官有聲晚由龍圖閣學士知秦州孫沔字元規越州會稽人中進士第言事直居官有能名曾知秦州時儂智高反沔

直隸秦州新志

卷之九 名宦中

六

入見帝以秦事勉之對曰臣雖老然秦州不足煩聖慮陛下當以嶺南爲憂也臣觀賊勢方張官軍朝夕當有敗奏明日聞蔣偕死帝諭執政曰南事誠如沔所料餘各詳本傳

狄青字漢臣汾州西河人初爲延州指使累破賊尹洙爲經畧判官青以指使見洙與談兵善之薦於經畧使韓琦范仲淹曰此良將材也二人一見奇之待遇甚厚仲淹以左氏春秋授之曰將不知古今匹夫勇爾青折節讀書悉通秦漢以來將帥兵法由是益

知名以功擢秦州刺史餘詳本傳

梁適字仲賢東平人翰林學士顯之子也仁宗朝先以侍讀學士知秦州後復由觀文殿大學士知秦州古渭初建砦間為屬羌所鈔益兵拒守羌復驚疑適具牛酒召諭其種人且罷所益兵羌不為患餘詳本傳

薛奎字宿藝絳州正平人進士及第仁宗初由集賢院學士知秦州州宿重兵經費常不足奎務為儉約教民水耕謹商筭歲中積粟三百萬征筭餘三千萬

直隸秦州新志

卷之九 名宦中

七

覈民隱田數千頃得芻粟十餘萬加樞密直學士知益州秦民與夷落數千人列奎治狀請留璽書褒諭不許明鎬字化基密州安邱人中進士第補蘄州推官改大理丞薛奎領秦州辟為節度判官奎還朝薦於仁宗後官至參知政事餘各詳本傳

按舊州志有知秦州田况

考况本傳無知秦州之文止為夏竦判官竦傳亦言安撫陝西不言秦州而舊志於職官另列一條云秦州安撫使夏竦皆誤也

王博文字仲明曹州濟陰人進士及第仁宗初以龍圖閣學士知秦州為走馬承受賈德昌所毀他徙德

昌以賊敗改樞密直學士復知秦州初沿邊軍民之
逃者必爲熟戶畜牧又或以遺遠羌易羊馬故常沒
者數百人其禽生羌則以錦袍銀帶茶絹賞之間有
自歸而中道爲夏人所得亦不能辨坐法皆斬博文
乃遣習知邊事者密持信紙往招至則悉貸其罪由
是歲滅殊死甚衆朝廷下其法旁路又言河西回鶻
多緣互市家秦隴間請悉遣出境戒守臣使譏察之
餘詳本傳

寇瑊字次公汝州臨汝人擢進士有吏幹歷官皆著
直隸秦州新志

卷之九 名宦中

六

功績仁宗初知秦州趙賀字餘慶開封封邱人舉毛
詩及第歷官有功亦仁宗時知秦州鄭曠字士龍河
南人登進士第歷秦州推官餘各詳本傳

范祥字晉公邠州三水人進士及第累官權轉運副
使古渭州距秦州三百里道經啞兒峽邊城數請城
之朝廷以餽餉之艱不許祥權領州事驟請修築未
報輒自興役募部驚擾青唐族羌攻破廣吳嶺堡圍
啞兒峽砦官軍戰死者千餘人坐削一官後張詵訟
其功詔贈秘書子育字異之舉進士謁歸從張載學

康定間數議邊事久之以直龍圖閣鎮秦州陸詵字介夫餘杭人進士起家有政績加集賢校理通判秦州范祥城古渭詵主餽餉具言非中國所恃而勞師屯戍且生事旣而諸羌果怒爭塞下大擾詵後尤著功名再知秦鳳餘各詳本傳

王隨字子正河南人登進士甲科仁宗初爲龍圖閣直學士知秦州秦卒有負罪逃入蕃部者戎人輒奴畜之小不如意復執出求賞前此坐法多死隨下教能自歸者免死聽復隸軍籍由是多來歸者又建請直隸秦州新志

卷之九

名宦中

九

增藩落卒給廢陷馬地募民耕種餘詳本傳

呂公綽字仲祐壽州人太尉夷簡子也歷官至樞密直學士知秦州安遠砦古渭州諸羌來獻地公綽顧其屬曰天下之大豈利區落尺寸地以爲廣狹御之弓箭手馬多闕公綽諭諸砦戶爲三等凡十丁爲社至秋成募出金帛市馬馬少則先後給之弟公弼字寶臣賜進士出身仁英神三朝歷官皆著名績王韶取熙河朝廷謀秦鳳帥帝曰公弼在河東方出師倉卒時有緩御之能宜使往乃拜宣徽西院使判秦州

帝疑其不肯行公弼聞命卽治裝帝喜召之入對慰勞而遣之旣赴鎮羌董氐輒治書稱救公弼卻之曰藩臣安得妄稱救董氐懼自是不復敢弟公孺字稚卿賜進士出身持躬廉儉爲政明恕元豐中知秦州李憲以詔出兵欲盡駐原渭公孺不可與憲相論奏坐徙相州更陳抗鄭瀛四州元祐初加龍圖閣直學士復以爲秦州固辭餘俱詳本傳

韓琦字稚圭相州安陽人舉進士趙元昊反副夏竦爲經畧安撫招討使畫攻取策未得用賊犯山外琦

直隸秦州新志

卷之九 名宦中

三

悉兵付大將任福令自懷遠城趨德勝砦出賊後如未可戰卽據險置伏要其歸又移檄申約苟違節度雖有功亦斬福竟爲賊誘沒於好水川竦使人收散兵得琦檄於福衣帶間言罪不在琦琦亦上章自劾獨奪一官知秦州尋復之會四路置帥以琦兼秦鳳經畧招討安撫使舊志言秦州東西關城皆琦所築至今稱韓公城而本傳不著尹洙字師魯河南人舉進士趙元昊反大將葛懷敏辟爲判官夏竦韓琦范仲淹爲經畧復辟之任福敗韓琦降知秦州復辟通判州事上書極言時事仁宗嘉

納之餘各詳本傳

文彥博字寬夫汾州介休人及進士第歷殿中侍御史西方用兵偏校有臨陳先退望敵不進者大將守著令皆申覆彥博言此可施之平居無事時爾今擁兵數十萬而將權不專兵法不肅將何以濟仁宗嘉納之後以樞密閣直學士知秦州餘詳本傳

張方平字安道南京人舉茂才異等歷官累定國家大計以工部尚書帥秦州謀告夏人將壓境方平料簡士馬聲言出塞已而寇不至言者論其輕舉曾公

直隸秦州新志

卷之九 名宦中

二

亮曰兵不出塞何名輕舉寇之不得至有備故也倘

罪之後之邊臣將不敢為先事之備矣

與方平同傳王拱辰舊志

亦入官師名宦考史傳云歷秦定二州則未知其果為秦與秦與舊志多謬不敢據也故列於官師而畧於名宦又舊志官師有余靖注其下云條教精明以治最聞考史傳無此語亦不言知秦州但會監秦州稅耳亦謹從闕疑張昇字杲卿韓城人舉進士忠直敢言以

龍圖閣直學士知秦州初青唐蕃部蘭龜世居古渭積與夏人有隙懼而獻其地攝帥范祥無遠慮亟城之諸族畏其偏舉兵叛昇至請棄勿城詔戶部副使傅求審視之以為不可棄與昇議殊先走副總管劉

煥討叛羌逗撓不時進昇命他將郭息代之羌乃潰
去煥黜其功譙訟息多殺老稚以撼昇朝廷命張方
平守秦徙煥涇原亦徙昇青州將罪昇方平辭曰煥
昇有階級今互言而兩罷帥不可爲也昇乃復留餘
各詳本傳

馮行已字肅之以父拯任歷知數州所至有能稱進
秦鳳路馬步總管餘詳本傳

任福字裕之開封人以衛士積官知隴州元昊反擢
秦鳳路馬步副總管戰守有方歷知數鎮皆有功康

直隸秦州新志

卷之九 名宦中

三

定二年與夏人戰死詳本傳郭遵者亦開封人爲秦
州三陽砦主後從劉平與夏人戰深入多殺所向皆
靡敵攢射之馬蹶被殺

滕宗諒字子京河南人與范仲淹同年舉進士其後
仲淹稱其才乃以秦州軍事推官召試學士院餘詳

本傳

舊志知秦州有滕元發考本傳
神宗置不遣則未嘗至秦州也

張守約字希參蒲州人歐陽修薦其智積功至秦鳳
都監居職六年括生羌隱土千頃以募射手築破石
堡甘谷城第功最多夏人萬騎來寇守約遣巡邊與

之遇不解鞍簡兵五百逆戰衆寡不侔勢小卻夏人張兩翼來守約挺身立陣前自節金鼓發彊弩殪其酋敵遂退後積功至秦鳳鈐轄又至秦鳳副總管王文郁麟州新秦人韓琦薦其材積功至秦州防禦使周永清字肅之靈州人龐籍言其忠勇積功爲秦鳳鈐轄俱詳本傳

羅拯字道濟祥符人由進士歷官皆有便民之政後

知秦州卒

舊州志言拯築秦州東西二城

馬仲甫字子山廬江人亦

以進士歷官政多便民後知秦州古渭界青唐之南

直隸秦州新志

卷之九

名宦中

三

夏人在其北中通一徑小警則路絕仲甫得筆粟城故址自鷄川砦築堡北抵南谷環數百里爲內地詔賜名甘谷堡故時羌人入城貿易皆僦邸仲甫設館處之陽示禮厚實閑之也張誥字樞言建州浦城人亦由進士爲政多便民知秦州前此將吏貪功多從羌地獵射因起邊患誥至申令毋得犯得一人斬諸境上群羌感悅餘各詳本傳

折克行字遵道雲中人初知西州歷與夏人戰每出必勝善撫士卒功最多羌人呼爲折家父後官秦州

觀察使卒詳本傳

景泰字周卿晉州人進士起家歷官邊州累上書言
元昊事有薦其知兵者使知寧州破敵有功後為秦
鳳路總管郭思忠方皆開封人思為秦鳳路兵馬都
監有戰功復為秦隴路鈐轄方戰功在南方移還慶
復有功亦徙秦鳳鈐轄盧鑑字正臣金陵人累舉進
士不第為鄜延路走馬承受累破賊徙秦隴等州提
點盜賊公事料敵輒中朝廷倚之後知秦州卒俱詳
本傳

直隸秦州新志

卷之九 名宦中

四

蕭注字巖夫臨江新喻人有志喜言兵舉進士立

功邕廣間中貶秦州團練副使餘詳本傳

省志仁宗時徽縣名

宦二一王令圖太原人至和中以殿中丞為河池令
時值開河會議河去縣四十餘里部屬陝西移文令
圖通幹其事自秋七月至八月路已通功告訖下詔
旌之一李周字純之馮翊人嘉祐五年知河池公正
嚴毅沉晦自匿未嘗私謁執政皆
於史無考未詳所出附注於此

劉几字伯壽河南洛陽人生而豪雋長折節讀書治
民有效用兵有功英宗時為秦鳳總管詳本傳

賈逵真定藁城人以戰功歷秦鳳路鈐轄秦山多巨
木與夏人錯壤逵引輕兵往來伐羌酋馳至畫地立

表約決勝負達引弓連三中的酋下馬拜復從達取
盈而歸後管麟府軍馬復徙秦鳳去之十日而代者
郭思敗朝廷以達爲能連擢都指揮總管劉昌祿字
子京真定人爲右班殿直主秦州威遠砦青塘聚兵
鹽井經年不散昌祿奉帥命往詰之諸酋曰聞漢家
欲取吾井鹽昌祿曰國家富有四海何至與汝爭此
邪與酋俱來犒賚之歡然帥衆去盧政太原文水人
亦先以戰功歷秦鳳高陽關都鈐轄燕達劉舜卿皆
開封人達以戰功爲秦鳳副總管討破河州羌遂降
直隸秦州新志

卷之九 名宦中

三五

本征舜卿亦以戰功爲秦鳳鈐轄襲擊西市城先登
有功餘各詳本傳

蔡抗字子直宋城人中進士稍遷睦親宅講書英宗
在藩邸極重之義兼師友再遷博士通判秦州乞知
蘇州遷廣東轉運使皆有惠政英宗立召入大臣畏
其諫列復出知定州仍有政績神宗立改樞密直學
士知秦州過關帝見之悲慟不自勝曰先帝疾漸猶
不忘卿遂赴鎮秦有質院質諸羌百餘人自少至老
羸繫之非死不出抗皆縱釋約毋得擅相仇殺已而

有犯者斬以徇莫敢奸令居數日夢英宗詔語眷如平生欲退復留覺爲家人言感念歔歔及靈駕發引之旦東望號慟見僚佐於便室驟得疾卒

李參字清臣鞏州須城人以蔭歷官有才能治平中知秦州蕃酋藥家族作亂討平之得良田五百頃以募弓箭手居鎮閱歲未嘗以邊事聞英宗遣使問故對曰將在邊期於無事而已不敢妄以寇貽主憂餘詳本傳

李師中字誠之楚邱人年十五上封事言時政舉進

直隸秦州新志

卷之九 名宦中

六

士歷官皆有異績熙寧初西人入寇以師中知秦州詔賜以班超傳師中亦以持重總大體自處前此多屯重兵於境寇至則戰嬰其銳鋒而內無以遏其入師中簡善守者列塞上而使善戰者中居令諸城曰卽寇至堅壁固守須其去出戰士尾襲之約束旣熟常以取勝王韶築涓涇上下兩城屯兵以脅武勝軍撫納洮河諸部下師中議遂言今修築必廣發兵大張聲勢及令蕃部納土招弓箭手恐西蕃及洮河武勝軍部族生疑今不若先招撫青唐武勝及洮河諸

族則西蕃族必乞修城砦因其所欲量發兵築城堡以示斷絕夏人鈔略之患部人必歸心唐於西域每得地則建爲州其後皆陷失以清水爲界大抵根本之計未實腹心之患未除而勤遠畧貪土地者未有不如是者詔師中罷帥事韶又請置市易募人耕緣邊曠土師中奏阻其謀餘詳本傳

游師雄字景叔京兆武功人學於張載第進士判德順軍辟延安帥府幕官策敵輒效復以主謀破洮州擒鬼章遷提點秦鳳路刑獄後進直龍圖閣知秦州直隸秦州新志

卷之九 名宦中

七

餘詳本傳

呂大防字微仲藍田人進士及第爲外官有政績遷御史累陳正議熙寧末除龍圖閣待制知秦州後尤多名績兄大忠字進伯登第歷官內外皆有嘉謨元祐初以龍圖閣知秦州夏人自犯麟府環慶後遂絕歲賜欲遣使謝罪神宗將許之大忠言夏人彊則縱困則服今陽爲恭順實懼討伐宜且命邊臣詰其所以來之辭若惟請是從彼將有以窺我矣時郡糴民粟豪家因之制操縱之柄大忠選僚案自旦入倉雖

斗升亦受不使有所壅闕民喜爭運粟於倉負錢而去得百餘萬斛馬涓以進士舉首入幕府自稱狀元大忠謂曰狀元云者及第未除官之稱也既爲判官則不可今科舉之習既無用修身爲己之學不可不勉又教以臨政治民之要謝良佐教授州學大忠每過之聽講論語必正襟斂容曰聖人言行在焉吾不敢不肅嘗獻言夏人戍守之外戰士不過十萬吾三路之衆足以當之矣彼屢犯王畧一不與校臣竊羞之紹聖二年加寶文閣直學士知渭州付以秦渭之直隸秦州新志

卷之九 各宦中

六

事奏言關陝民力未裕士氣沮喪非假之歲月未易枝梧因請以職事對大抵欲以計徐取橫山自汝遮殘并迤邐進築不求近功弟大鈞字叔和學於張載能自信力行中乙科調秦州右司理叅軍後亦著名績謝良佐字顯道壽春上蔡人與游酢呂大臨楊時在程門號四先生登進士第曾教授秦州餘各詳本傳

孫承字曼叔長社人擢進士爲御史累陳直言熙寧中加龍圖閣直學士知秦州王韶以布衣入幙府建

取熙河策永折之曰邊陲方安靜無故騷動恐變生
不測會新築劉家堡失利衆請戮偏裨以塞責永曰
居敵必爭之地軍孤援絕兵法所謂不得而守者也
尤人以自免於我安乎許將字冲元福州閩人舉進
士第歷官有名會以龍圖閣待制知秦州餘各詳本
傳

張舜民字芸叟邠州人中進士第爲邑令王安石倡
新法便上書斥言其害歷官御史復以言事出提點
秦鳳刑獄劉庠字希道彭城人中進士第歷官言事
直隸秦州新志

卷之九 名宦中

元

皆有聲跡尤不肯屈事安石元豐末曾知秦州餘各
詳本傳

郭逵字仲通其先自邢徙洛神宗卽位積功加檢校
太尉雄武軍留後韓絳主种諤計圖橫山與逵議出
兵逵曰諤狂生爾朝廷徒以家世用之必誤大事絳
怒以爲沮撓奏召逵還明年慶州亂出判永興徙秦
州王韶開熙河逵案其不法朝廷遣蔡確鞠之反謂
逵誣罔餘詳本傳

仁宗時李昭亮有功名然官稱秦
鳳而事又無特繫秦州者故不列

神宗時高
遵裕亦然

王韶字子純江州德安人第進士試制科不中客游
陝西訪采邊事熙寧元年詣闕上平戎策三篇神宗
異其言召問方略以韶管幹秦鳳經畧司機宜文字
遂降下數蕃部後知涇原遂復熙河苗授字授之潞
州人少從胡翼之學補國子生以蔭至供備庫副使
王韶取鎮洮授爲先鋒破香子城復爲虜所圍再戰
再破之後神宗見而勞之以爲秦鳳副總管子履當
授時亦歷秦州路鈐轄王君萬卽秦州寧遠人以殿
侍爲秦鳳指揮使王韶開邊青唐大酋俞龍琦歸國
直隸秦州新志

卷之九 名宦中

三

獨別羌新羅結不從經畧使韓縝期諸將一月取之
君萬詐爲獵者逐禽至其居稍相親狎與同獵乘間
搃之墜馬斬首馳歸以獻餘各詳本傳

范恪字許國開封人驍勇善射數有戰功曾權秦鳳
路兵馬總管安俊字智周太原人積功爲原涇等州
刺史秦州築古渭城蕃部大擾徙秦鳳路總管向寶
鎮戎軍人勇力善射神宗以比薛仁貴會官秦鳳鈐
轄餘各詳本傳

鄭僅字彥能徐州彭城人舉進士歷官有政績後徙

知秦州餘詳本傳

姚麟字君瑞五原人積功爲秦鳳副總管兄子雄字毅夫勇鷲有謀歷涇原秦鳳將後以大破夏人功擢秦州刺史餘俱詳本傳

葉康直字景溫建州人擢進士第作令有惠政歷秦鳳轉運判官元祐初加直龍圖閣知秦州中書舍人曾肇蘇以劾康直諂事李憲免官究實無狀改知河中府復爲秦州夏人侵甘谷康直戒諸將設伏以待殲其二酋自是不敢犯境張綸字公信潁州汝寧人直隸秦州新志

卷之九 名宦中

三

舉進士不中以三班奉職歷官皆有惠政曾知秦州俱詳本傳

呂本中字居仁壽州人元祐宰相公著曾孫待問之子元符中曾爲秦州士曹掾南渡後益著名蹟學者稱東萊先生詳本傳

陳瓘字望中南劔州沙縣人中甲科徽宗卽位爲右正言極論蔡卞章惇曾布等罪出知秦州任象先者眉州眉山入父伯雨徽宗初以爲右正言極論章惇蔡卞又乞蒸蔡京之惡召還陳瓘用黨籍編管南方

象先登世科又中詞學並茂舉有司啟封見爲黨人子不奏名調秦州戶曹掾聞父謫棄官歸養終身不復仕餘各詳本傳

陶節夫字子禮饒州鄱陽人第進士歷官有功曾知秦州毛漸字正仲衢州江山人亦第進士歷官有功曾攝秦州餘俱詳本傳

何臬字文鎮仙舟人政和五年進士第一爲御史中丞極論王黼奸邪黼罷臬亦以徽猷閣待制知秦州後從二帝於北庭不食死張叔夜字緒仲開封人喜直隸秦州新志

卷之九 名宦中

三

言兵築邊城有功曾知秦州後數平劇盜金人圍汴以總管入援復敗金人已從帝北行過白溝發憤卒餘各詳本傳

种師中字端孺世衡孫師道弟也歷秦州待衛馬步軍副都指揮使金人內侵詔提秦鳳兵入援未至而敵退後爲樞密使強驅之與金人戰死詳本傳

師道功名

尤盛亦嘗提舉秦鳳弓箭手而辭不敢拜故不得傳

字文昌齡字伯修成都雙流人進士甲科善經畫曾提舉秦鳳常平程之邵字懿叔眉州眉山人以蔭仕

亦善經畫曾主管秦蜀茶馬公事革黎州買馬之弊歲以仲秋爲市市四月止以羨茶入熙秦易戰騎得良馬益多後秦鳳出師經費有餘詳見食貨篇餘各詳本傳

劉韜字仲偃建州崇安人第進士調隴城令後金人

破汴欲用之自縊死謚忠顯舊志有劉宥傳言宥宋

騎犯縣掠宥行橐視其誥命曰隨我去官北朝宥罵曰我爲南朝鬼不爲蕃賊官遂遇害於史無考附注

於韜長子子羽字彥修免韜喪起知池州以書抵宰

相論天下兵勢當以秦隴爲根本改集英殿修撰知

直隸秦州新志

卷之九 名宦中

三

秦州未行召赴行在張浚宣撫川陝辟子羽參議軍

事至秦州立幕府節度五路諸將規以五年而後出

師浚不聽遂敗於富平金人乘勝而前宣撫司退保

興州人情大震官屬有建策徙治夔州者子羽叱之

曰孺子可斬也四川全勝敵欲入寇久矣直以川口

有鐵山棧道之險未敢遽窺耳今當留駐興州急遣

官屬出關呼召諸將收集散亡分布險隘奈何乃爲

此言乎浚然子羽言而諸參伍無敢行者子羽卽自

請奉命北出復以單騎至秦州召諸亡將諸亡將聞

命大喜悉以其衆來會明年浚移治閬州子羽請獨
留河池調護諸將以通內外聲援浚許之明年子羽
以吳玠戍河池浚以子羽知興元府全蜀之功子羽
爲多餘俱詳本傳

張浚字德遠漢州綿竹人建炎三年謂中與當自關
陝始請身任陝蜀事詔以爲川陝宣撫處置使開幕
府於秦州富平旣敗命關師古等聚兵於岷州大潭
孫渥等聚兵於階成鳳州以固蜀口餘詳本傳省志
名宦
有趙忠簡鼎謂其曾爲
兩當尉而史傳無之

直隸秦州新志

卷之九 名宦中

三

曲端字正甫鎮戎人警敏善屬文長於兵畧歷秦鳳
路隊將屢敗夏人旋知鎮戎軍建炎二年金游騎入
境端遣副將吳玠據清溪嶺與戰大破之端乘其退
遂下兵秦州餘詳本傳

吳玠字晉卿德順軍隴干人以良家子從軍擊夏人
討方臘皆有功建炎三年金人畧秦雍統制曲端遣
玠擊敗之四年張浚以玠爲秦鳳副總管富平之敗
玠及弟璘東保和尚原金人累來累敗之紹興三年
玠在河池金撒離喝用叛將李彥琪駐秦州以綏玠

而自引兵入漢中玠自河池赴援復累敗之四年二月
敵復大攻仙人關先是玠命璘棄和尚原經營仙
人關右殺金平剗築一壘移原兵守之至是兀朮撒
離喝及劉夔率十萬騎入侵自鐵山鑿崖開道循嶺
東下玠以萬人當其衝璘率輕兵由七方關倍道而
至與金兵轉戰七晝夜始得與玠合敵首攻玠營玠
擊走之又以雲梯攻壘壁楊政以撞竿碎其梯以長
予刺之璘拔刀畫地謂諸將曰死則死此退者斬戰
久璘軍少憊急屯第二隘金生兵踵至人被重鎧鐵
直隸秦州新志

卷之九 名宦中

三

鈎相連魚貫而上璘以駐隊矢迭射矢下如雨死者
層積敵踐而登撒離喝駐馬四視曰吾得之矣翌日
命攻西北樓姚仲登樓酣戰玠急遣統領田晟以長
刀大斧左右擊之明日大出兵統領王喜王武率銳
士分紫白旗入金營金陣亂奮擊金人始宵遁玠遣
統制官張彥劫橫山砦王俊伏河池扼歸路又敗之
四月復鳳秦隴三州璘字唐卿與玠共扼敵仙人關
時已積功至榮州防禦使知秦州節制階文矣紹興
九年除秦鳳路經畧安撫使知秦州玠卒時金人歸

陝西地樓炤使陝以便宜欲盡移川口諸軍於陝西
璘曰金人反覆難信今我移軍陝右敵若自南山直
擣蜀口我不戰自屈矣當且依山爲屯控其要害漸
圖進據炤從之旣而胡世將以四川制置權宣撫司
事至河池璘復極言之時朝廷恃和忘戰欲廢仙人
關世將乃抗奏謂仙人關未宜遽廢於是璘僅以牙
校三隊赴秦州戒諸將毋得撒備世將尋真除宣撫
置司河池十年金入敗盟詔璘節制陝西諸路軍馬
撒離喝渡河入長安趨鳳翔陝右諸軍隔在敵後時
直隸秦州新志

卷之九 名宦中

三

諸將惟璘隨世將在河池世將急召諸將議惟涇原
帥田晟與楊政同至叅謀官孫渥謂河池不可守欲
退保仙人原璘厲聲折之曰懦語沮軍可斬也璘請
以百口保破敵乃與田晟共迎敵屢破之十一年與
金統軍胡蓋戰剡家灣敗之復秦州及陝右諸郡初
胡蓋與習不祝合軍五萬屯劉家園璘請討之世將
問策安出璘曰有新立疊陣法每戰以長槍居前坐
不得起次最強弓次強弩跪膝以俟次神臂弓約賊
相搏至百步內則神臂先發七十步強弓併發次陣

如之凡陣以拒馬爲限鐵鈎相連俟其傷則更代之
遇更代則以鼓爲節騎兩翼以蔽於前陣成而騎退
謂之疊陣得車戰餘意無出於此敵雖銳不能當也
及與二酋遇遂用之二酋老於兵據險自固前臨峻
嶺後控臘家城謂我必不敢輕犯先一日璘會諸將
問所以攻姚仲曰戰於山上則勝璘以爲然乃夜半
遣仲及王彥銜枚截坡約二將上嶺而後發火二將
至嶺寂無人聲軍已畢列萬炬齊發敵駭愕曰吾事
敗矣胡蓋出疊戰璘以疊陣法更休迭戰輕裘駐馬

直隸秦州新志

卷之九 名宦中

三七

亟麾之士殊死鬪金人大敗降者萬人胡蓋走保臘
家城璘圍而攻之城垂破朝廷以驛書詔璘班師三
十一年拜四川宣撫使金主亮叛盟璘卽肩輿上殺
金坪分遣諸將已而病還興州復力疾上仙人關敵
不能入三十二年攻復德順軍尋還河池孝宗隆興
二年冬敵侵岷州璘提兵至岐山金人退璘子挺以
門功積官至統制紹興三十一年王師旣復秦州金
將合喜孛堇介叛將張中彥以兵來爭挺破其治平
砦已而南市城賊亦犄角爲援轉戰竟日挺令前軍

統制梅彥麾衆直據城門殊死戰挺率背嵬騎繞出
敵後憑高突之敵遂驚敗挺不自爲攻狀彥第一士
頗多之餘俱詳本傳

郭浩字充道德順軍隴干人歷有戰功建炎三年爲
涇原兵馬鈐轄張浚宣撫陝西以爲秦鳳路提點刑
獄權經畧使知秦州富平之役浩與吳玠先諫之而
浚不聽紹興十一年金人內侵宣撫使胡世將召浩
及吳玠楊政會仙人原授以攻取之策浩遣裨將設
伏破之楊政字直夫原州臨涇人建炎間從吳玠擊
直隸秦州新志

卷之九 名宦中

六

金人九戰九捷紹興四年撒離喝裒精兵十萬欲道
仙人關入蜀至上畚田玠築壘於關外政曰此地爲
蜀阨塞當堅守時出奇擊之玠用其言連日百餘戰
敵帥督戰益急政命卒以神臂弓射之又選甲士千
餘出山谷斷其兵使不得進退又出敵不意夜斫其
營敵遂遁去追至河池而還五年金人攻淮玠命政
帥師乘機牽制至秦州一戰而拔撫定居民秋毫無
犯王彥字子才上黨人起河朔歷敗金人平諸劇賊
有功紹興元年冬擒劉豫將郭振復秦州餘各詳本

傳

胡世將字承公常州晉陵人第進士歷官有功紹興九年宣撫川陝居河池時關陝初復朝廷分軍移屯熙秦鄜延諸道明年夏金人入長安蜀兵既分聲援幾絕乃遣大將吳玠田晟出鳳翔郭浩出秦天揚政由赤谷歸河池不數日玠捷於石壁及扶風金人逡巡不敢度隴分屯之軍得全師而還餘詳本傳省志有徽縣名宦二一陳佃簡州人紹興二十二年自朝奉大夫知河池不為煩苛常盛暑遣囚歸各感恩如期而至一董彥威紹興中河池尉愷悌愛民一日盜至邑人大震彥威不恐懾徐遣兵盡捕之於史無考附注直隸秦州新志

卷之九 名宦中

三

劉宣為秦鳳路兵馬都監金人入關陝宣遣蠟書密與吳玠相結且率金將任拱等以所部歸朝約日已定有告之者金人取宣縷擊之王琦為弓門砦巡檢建炎四年金人還自熙河琦禦之金人立招降旗勝改年號阜昌衆皆拜琦獨不屈金人執而殺之紹興間牛皓死事此地最烈而非此地將官故不列

張威字德遠成州人開禧用兵威與金人戰輒捷補將領天水縣當金人西入路乃升縣為軍命威為守屢立奇功嘉定十二年金人分道入蜀犯湫池堡又

犯白環堡威部將石宣董焯連卻之十三年夏人來約夾攻金宣撫安丙許之遣諸將分道並進威當向秦州議初起威謂金人尚強夏人反覆未可輕動丙不聽威龜勉而行令所部毋得輕發諸將至城下無功而還餘詳本傳

高稼字南叔邛州蒲江人嘉定七年進士歷官於蜀有功元兵來制置使趙彥呐以參議官辟之制置司近漢中稼言漢中蕩無藩籬宜經理仙人原以爲緩急視師之地彥呐以委稼稼至原繕營壘時芻糧比

直隸秦州新志

卷之九

名宦中

罕

器甲開泉源守禦之規罔不備具後死節具詳本傳

曹友聞
八人物

直隸秦州新志卷之九中終

直隸秦州新志卷之九下

金

烏延胡里改曷懶路星顯水人也嘗徇地熙秦敗敵
兵二千於秦州皇統八年授熙秦路兵馬副總管張
奕字彥微其先澤州高平人歷官有功皇統間為秦
州防禦使餘各詳金史本傳僕散忠義功名最盛顧熙秦總管不專此州而
事亦無特係此州者故畧之龐迪亦然

夾谷守中咸平人大定二十二年進士大安二年為

秦州防禦使遷通遠軍節度夏人來攻死之女奚烈

直隸秦州新志

卷之九 名宦下 一

資祿咸平府人貞祐初為秦州防禦使興定五年以

隴安軍節度死鄜州之難兀顏訛出虎隆安府猛安

人大定八年進士歷官秦州防禦使後為汾陽軍節

度死於難餘各詳本傳

伯德梅和尚入人物

完顏璘章宗太和中為秦州防禦使與陝西都統完

顏承裕屯成紀界宋吳曦兵五萬由保岔姑蘇等谷

襲秦州承裕璘以騎兵千餘人擊走之追奔四十里

凡六戰斬首四千餘級宋吳曦使其將馮興楊雄李

珪以步騎八千入赤谷承裕璘及河州防禦使蒲察

秉鉉逆擊破之宋步兵保西山騎兵走赤谷璘等遣部將唐括按荅海率騎二百馳擊宋步兵宋步兵大潰追奔至皂郊城斬二千餘級猛安把添奴追宋騎兵殺千餘人斬楊雄李珪於陣金史無璘傳茲從承裕傳錄之承裕非熙秦官故不列又張中彥有功此州事已載兵戎篇而中彥降宋復歸故不列木虎高琪有功名而晚節不終亦不列

元

按竺邇雍古氏其先居雲中塞上幼鞠於外祖東夏甲家訛言為趙家因姓趙氏太祖時以功為千戶從

直隸秦州新志

卷之九 名宦下 二

攻鞏昌駐兵秦州太宗即位以為元帥歷平西和平

涼慶陽等州邵睿宗入山南按竺邇為前鋒復由兩

當出魚關遂從滅金已元兵伐蜀宗王穆直等出陰

平按竺邇復為先鋒攻文州下之遂命守之子國寶

國安襲職世守皆有功名詳元史傳

按竺邇傳文州事最多顧秦州

舊志以禮店文州為一皆今禮縣而省志以禮店為禮縣文州為文縣考宋史文州城外有江今禮縣無之而此傳又單言文州則省志是也故畧其事又宋知秦州者名宦最多元朝百年乃無一人豈非以降為屬州故罕著名耶徽州尤係下州而省志載其名宦二人皆官管軍元帥恐是江南徽州路官誤載此州耶不敢臆決謹注於後田守璋大德二年徽州管軍元帥副使以驍勇見稱洞悉民艱軍民依頓張仲

文大德中徽州管軍參議元帥善騎射務
廣恩信勸民農桑建倉備荒軍民懷德
明

廖森遺其籍兩當舊治元末圯燬洪武四年設縣尚
無官署七年森來爲主簿始於舊基別加創建又同
訓導蔣慶於其東創建儒學治教有所縣治始立焉
暢宜蜀人宣德初知秦安縣政令一出人莫不稱善
詳於牧民畧於自奉恪於臨事簡於奉上蓋惠人也
鄧榮廣元人正統間以貢士選知秦安縣民所利興
之所不利則祛之賦以時集民不告勞丁健字仲和
直隸秦州新志

卷之九 名宦下

三

掖縣人景泰間亦以國子生知秦安務以寬治民而
取與不慝刑罰不僭兩人者後皆以憂歸民攀送塞
途也

李昶安邑人薛文清瑄門人也由舉入官清水教諭
學使者歎其賢薦以代已命未下而卒荆琨猗氏人
嘉靖間清水縣訓導凡五載教士禔躬如出一日雖
雨雪晏晦未嘗不整襟危坐捐所得俸補葺廟學治
俎豆爵壘始昌明道之學群諸士於官舍講習之清
士始彬彬可觀天旱琨出米數十石賙貧士之不給

者清水志官師便稱宦蹟其善者每人下卽畧記政績集官師時多未遑刪薙荆琨於官師中已畧具數語而省志中傳稍詳故重錄之鄧鏗王忠顯放此

秦紘字世纓單縣人景泰二年進士授御史數進直言權貴忌之借考察外謫憲宗初歷知秦州母喪去官州乞借紘服闋還故任後官至總制陝西三邊卒謚襄毅餘具明史本傳

傅彙字天和畿內新河人成化間進士拜監察御史左遷同官知縣有治績遷秦州知州嚴以肅政平以近民除淫祀戒游食重農申教祛災弭盜諸凡學校

直隸秦州新志

卷之九

名宦下

四

舍館壇壝橋梁以次修葺而州治改作宏麗甲於他郡上疏言救荒弭亂甘事如議行於秦秦人便之毛秦南陽人成化間進士任監察御史謫守秦州秦雖衝劇秦守之有餘力錢穀訟獄成就條理

劉濟字洪仁邠縣人成化中以舉人選知徽州愷悌平易有古循良風性至孝親沒曾廬墓孟鵬年字子化河南洛陽人嘉靖中以舉人選知徽州政尚簡嚴曾創修州志

李鵬安陽人宋珍字廷瑤深州人成化間皆以國子

生先後知秦安鵬廉而厲政尚剛嚴有犯卽坐以法不少貸修築西城刻期成其城獨厚而堅卧病病篤或私議曰李父母囊無長物卽不諱其何以歸聞之鵬鵬強起厲聲曰爲我繫其人於獄是以私汙我邪明日遂卒珍亦廉吏也事母孝凡宴會見有珍殺卽歸奉母母饗矣而後乃就席母怒欲杖珍珍俯伏受杖一日坐於堂有風繞堂下不去珍謂曰有事自我卽我前風前就席珍首肯之至夜方寐如有人坐於前聲寃者及覺猶疑見其人於是適境內體之果得直隸秦州新志

卷之九 名宦下

五

殺人者寘於理學校堂齋多所修建田賦出納必加甄別任五載曾不受人之囑人或有所贈畧不省視後卒官邑人哭之感盡哀

李杲瀘州人成化間以國子生授秦安教諭杲剛正人也校課無間寒暑諸生不問少長無不宿齋舍者亦無不服其約束者齋前有老槐陰蔽戶牖或言有神不可伐杲竟伐之皆服其不惑云其後則有胡彌高彌高字德邵資州人宏治中教諭秦安見士子久無第者發憤講課嚴立之程約士子皆宿齋舍誦讀

之聲日夜不絕非昏喪不令少暇已而八人舉於鄉
二人登進士人以是多彌高

董榮內江人成化間以鄉舉授禮縣教諭學問有餘
而訓迪無倦士子咸服曰可以為師矣

李賓鹽山人楊戩山西忻州人宏治間皆以舉人先
後知秦州賓忠直剛果遷臨洮同知戩一於威嚴肅

然稱理民咸曰得楊公一剖百事了矣遷江南淮安
同知

孫徽字廷美襄陽人宏治中登進士仕至刑部郎中

直隸秦州新志

卷之九 名宦下

六

以註誤謫秦州同知至秦廢墜修舉及署州則田賦
平訟獄理州人咸願徽守郡乃遷陝西按察司僉事
以去

黃宰字君佐其先山東單人始祖成元平章也明初

策功拜秦州衛指揮僉事

官師有黃昊而無宰亦單人亦其祖以明初官指揮

而其祖又名璧不名成豈

傳聞致誤與抑果二人與宰弱冠嗣職宏治間掌屯

政行伍德之曰吾未見理屯廉平如黃侯者正德初

薦遷都指揮僉事備禦甘涼後復勅守岷州威震羌

夷遷古麟叅將岷人泣留立祠勒石以紀其績

徐森字茂之成都人宏治中以舉人授秦安知縣性
和易田賦獄訟從容理之閒時考校諸士胡中丞續
宗時方爲諸生最受知焉李昉安邑人正德中亦以
舉人知秦安蒞政臨民一切以嚴繩之至公庭者輒
戰栗故不煩約束而事集而自守亦潔李應時字際
可榆次人嘉靖中亦以舉人知秦安慈祥之至人樂
就之於里甲非公事不輕取有事不煩勾攝多應期
至者聽訟每以和言解之而自息秦安名宦傳稍多
嘉靖後無聞焉則
自胡中丞後無人
續修縣志故也

直隸秦州新志

卷之九 名宦下

七

李璋錦衣衛人宏治中進士正德七年自刑部郎遷
陝西按察僉事分巡隴右先是巴盜入徽州民被其
毒後復熾璋馳至州簡士民明烽堠嚴保伍指揮甫
定寇已薄昭化璋列戍白水於要衝多設疑兵遣將
築壘三常之上下瞰百里寇至錯愕去璋復提兵蹙
之遂奔蜀秦隴安堵徽人爲立生祠

唐臣四川營山人登進士正德初蒞秦州愛民如家
人父子而政亦就緒李楷灌縣舉人嘉靖十三年知
秦州惓惓愛民民德之

徐寧逸其籍正德間以禮店所百戶征蜀賊於徽州之四條嶺賊多寧被圍左右勸之遁寧怒曰是不武也遂力戰死之

侯禮不詳何許人正德間知徽州值蜀寇陷城之後捐俸倡修開廣基址包鐘樓山於其中城乃壯秘心師直隸故城人萬曆間知徽州政平訟理民無冤抑捐俸修學宮城隍廟增築城垣功成而民不擾

王崢宿州人正德初徽州學正博學善教寒暑無間每開講執經環聽者盈庭

直隸秦州新志

卷之九 名宦下

八

宋震猗氏人正德初以鄉舉任禮縣知縣居官能以清慎勤自勵稍暇則進士子教之士民皆感焉

紀常字守經直隸文安人登進士嘉靖中以僉事分巡隴右性寬而法嚴吏畏其威民懷其德設崇義書院教士子督兵誅叛回馬興政績彰燦後累官至布政使

黃仕隆鉛山人吳直資州人于藁長垣人嘉靖間皆以鄉舉先後知秦州仕隆歷官有能聲守秦三載政立民安直明燭奸宄民不敢作慝而持已尤廉未三

載以憂歸泣送者屬路也藁持體悖大而泣事精詳有父母之頌焉

鄧鏜燕山入嘉靖戊戌以鄉進士任清水知縣敬上御下咸有條理改建新學而不居其名於時稱鄧清水張兩當而兩當不及也王忠顯山西澤州人萬歷十七年知清水甘淡薄注意民瘼興利除害嘗以息訟諭民兩造庭質唯決是非而已

向承鳳禮店所副千戶也嘉靖甲午階州鐵甲山賊肆劫承鳳與戰追至麒麟山賊曰我貽若金帛毋相直隸秦州新志

卷之九

名宦下

九

逼也承鳳叱曰何物賊敢以金帛餌我奮擊之射二賊死將復射弓忽弛軍曰可少却承鳳曰戰而却畏死邪復與力戰死之都御史黃臣表之擢其子元吉爲正千戶元吉忠勇有父風

張仁山西崞縣人嘉靖甲申由鄉舉知兩當縣立志清苦凡九載秋毫不取於民而且多惠政

蒲來舉太原人天啟末以舉人知禮縣剛方不避權貴而撫民以寬民稱蒲母彭應程靈寶人崇禎中知禮縣勸課農桑寇至捍禦有方城賴以全王定國真

定人崇正末知禮縣流寇薄城身運矢石倡守禦民
感之爲勒石建祠焉

禮縣各宦亦稍多
餘皆注前官帥中

范學淹萬泉人明末由孝廉備兵秦州耿介正直勵
清操愛民禮士賊入城賊衆令見主帥淹從容言曰
殺卽殺何以見爲賊帥義之不忍加害幽於文廟之
啟聖祠絕粒者七日士民號泣慰之乃強食聚千人
荷糗鋤暴糧糗衛之歸時知秦州朱廷鄣代藩宗室
以鞏昌判官署州事有政聲城陷賊衆擁見賊帥叱
之跪廷鄣正色曰我天朝宗室也有拜賊之理乎頭
首隸秦州新志

卷之九 各宦下 十

可斷膝不可屈賊帥欲生之大呼曰此來只求一死
正襟危坐神色自若遂見殺秦安知縣朱瑤壘亦宗
室也賊陷城繫之至伏羌脅令賺城瑤呼告伏羌
令曰堅守勿降吾忍辱至此欲君知吾死所耳隨罵
賊且連呼何不速殺我遂見害伏羌卒嚴守不得下

皇清

序前代以時之先後不分州縣從便
也序國朝以州縣前後尊制也

葉映榴江南華亭人康熙十八年提學陝西後遷湖
廣糧道寇變攻入署映榴升堂高坐厲聲大罵隨引
佩刀自刎 贈工部侍郎謚忠節雍正二年准三院

飭州縣通祀名宦

各縣不重入

王進寶字顯吾靖遠人順治初從總督孟喬芳討叛
回積功至西寧總兵康熙十三年吳三桂王輔臣之
叛既陷蘭州進寶統兵抵黃河夜以皮囊暗渡遂復
之連破賊復諸郡縣鞏昌秦州相繼投誠功上晉陝
西提督鎮秦州南扼川逆北復通渭靜寧平涼再進
奮威將軍餘詳省志名宦傳

宋琬字玉叔山東萊陽人順治中進士以詩名天下
天下言詩者首南施北宋謂琬與宣城施閏章也會
直隸秦州新志

卷之九 名宦下

士

分巡隴右駐秦州值地震琬極力撫綏凡以十二事
申請督撫時州城盡圯琬悉捐俸貲益以家財重爲
建築 朝廷錄其功賜蟒服比遷去百姓爲建生祠
刻石留像以祀之初琬在秦州重修杜甫草堂集蘭
州淳化閣及西安碑洞中晉人帖書杜秦州詩勒諸
石時稱二絕自巡道公署廢石刻散軼今榻本猶有
藏者

郭鎮都字清寰永昌衛人順治八年任秦州遊擊知
大體以禮自持治軍嚴整而濟之以寬頗得士心嘗

登卦臺見舊伏羲廟圯廢捐貲重修視前加狀麗焉
鎮都武人能如此人尤難之

姜光允遼陽人由貢士任縣令有政績遷知秦州會
地震死傷枕籍流涕撫存甚得民和修城垣民舍工
累萬數月而竣民有安居隨建城東雲章閣以助文
教焉天旱跣足步禱雨立沛繼之者高必大湖廣人
亦由貢生知秦州政簡刑清時兵凶洊至人多流亡
土曠賦溢稱累者十九必大詳請核丈俾按畝輸賦
拋荒者請除其額乃益事招徠民多歸耕高公文田使吏吏以

直隸秦州新志

卷之九 名宦下

十一

民供給之豐歉而派數分重輕今猶有怨之者此亦事勢之難免也大要固是善政不可沒耳

張肯穀桐城人康熙十三年署秦州輕徭薄賦士民
賴之會王輔臣遙應吳三桂反據秦州秦守將望風
降且誘肯穀肯穀屬耆老泣曰我封疆吏當死但不
可以一死誤國事今欲往省會請兵若曹偽降圖存
無害也卽携印夜奔逆徒追之弗及後事平民皆全
活 朝廷知其事擢鳳翔太守王札平谷人康熙初
以選貢判秦州尋陞知靜寧州事王輔臣之叛應吳
三桂也挾平涼諸官至秦州而意猶狐疑召諸官於

察院集議札進曰爲人臣子義無二心且本朝洪福方始逆事必無成慎無禍身家而辱名節時輔臣麾下蔡元者已決於叛卽從座上手挈札以出害之

按札非秦州官然先判秦州而後復盡節於秦州故著之

吳自性字道宏岷縣人康熙甲戌知秦州政尚簡約四境不擾卒官不得歸葬秦州何有墓字樂田四川人雍正元年進士選知秦州安靜無爲民樂風清未周歲丁內艱蕭然從一騎去士民攀送阻擁竟日不得行郎圖滿洲人第進士乾隆十四年由部主事出

直隸秦州新志

卷之九 官下

三

守秦州性尤清靜公退常閉關鮮招邀紳士嘗曰吾秦爲一州主視野老與紳士一也絲毫不擾於民民亦安之公門如水掾吏舍常虛無人設書院延師訓士比試童子榜發而在書院者無一君前列其引嫌畏人議如此

程銓歙縣人康熙中以例監歷知秦州初至官有客民來懇白晝於旅舍亡其騾銓召逆旅主人薄笞之曰胡不慎門戶也復召客民怒之曰若自不謹視須官爲汝守馬邪命繫之衆聞傳爲笑薄暮扃官署密

召捕廳詰責曰白日恣竊盜橫極矣君職捕謂何復
召賊曹吏及胥役曰吾固知汝等縱賊以自封也頃
所以不言者度賊有刺事者在堂下恐聞風而先遁
也吾今止一言今夜不得賊捕廳無復望爲官汝等
無復望生如是而已是夜遂獲賊訊之果先有耳目
見笞主人而繫客民安意就寢乃被獲一時震悚轉
稱神君焉市井有無賴子二每新官至輒自請試刑
以爲戲銓召謂之曰聞若不畏刑試吾刑何如杖之
十具桁楊命胥役監之出其一人者泣語其妻曰杖
直隸秦州新志

卷之九 名宦下 古

之少殆欲殺我也不數日果置之死其一人者比日
受五杖不堪痛辱思逃去銓亦陰屬役縱之逃至遠
方洗心潔行後歸爲鄉里善人言及舊事感泣不已
曰吾賴程公成人也

陳應韶襄平人康熙中以湖廣麻陽縣令卓異遷秦
州到官旬日寂無所設施或以爲言應韶笑曰大州
叢弊欲除之未得其要耳詰旦出尺紙條列十餘事
皆積久陋規民安之而莫知者也性潔烈嫉貪如仇
胥吏犯贓必寘重典而於民惟恐傷之方軍興累事

輓運而閭閻無累京兵西征橫甚所過肆誅求暴虐
士女應韶豫戒民人持白挺以俟曰敢橫者痛擊之
毋恐身先馳至清水謁其主將探懷中金以獻曰以
是爲公壽願約士卒毋擾民主將喜下令敢譁者死
兵旣過西至伏羌遣幹僕齎書投主將言我廉吏何
從得金此官庫中物公敢持之往我且將轉聞於
朝主將愕眙反其金其愛民而有胆智事率類此民
爲立生祠焉馮念祖字文子浙江人雍正初知秦州
清潔愛民而有胆力時有前守之子羈秦州倚勢爲
直隸秦州新志

卷之九

名宦下

五

奸利暴橫里閭念祖心弗善也前守子且怒率家奴
咆哮堂上扃鎖官署門欲以困念祖念祖笑弗爲動
陰請於上官遣之去上官嘗檄秦州應運某處糧幾
萬石念祖抗言民勞已甚不能運屢檄屢抗請終格
不行身故名士喜文詞守秦時年旣老矣會當試童
子亦於堂下另設案具紙筆自爲文以式之閱試卷
中夜忽嘔血且遂卒

高夢龍山陽人雍正中以鞏昌知府攝州事雖官郡
守而精於吏職勤民理政前後莫與儷故例公堂及

監獄夜派民夫直宿夢龍詫曰堂將焉往而以守爲
獄則獄卒職也胡重勞民皆去之重懲而井無賴咸
改行反有焚香以祀者每單騎獨出不具儀衛中衢
有所見或白事卽歸署訊之去署稍遠於人家門檐
下索坐卽訊之鄉民訟者計道里遠近與刻期至卽
審斷不立案牘胥吏咸束手無所事事甫逾歲而囹
圄空焉夢龍勤吏事持身尤廉其子隨之官常布衣
收糧火耗最輕民旣感其惠又利其輕也爭輸之州
故有陋規百工小伎悉有稅夢龍悉除之遂至今

直隸秦州新志

卷之九 名宦下

六

李鉉侯官人乾隆初由舉人歷知秦州政尚嚴肅州
故多逋賦鉉督辦益急初吏民咸怨旣踰年鄉民晏
然免城市係縲之苦顧反德之曾捐俸修伏羲廟文
廟玉泉觀雲章閣之屬又修養濟院房三十間乾隆
六年歲大饑鉉請平糶白州及隣境全活無筭後罷
官去人至今咸思鉉云

程材傳蒲圻人雍正元年進士乾隆八年知秦州鎮
靜不擾民物安逸持躬廉子弟皆布衣聲譽翕然尤
惜窮民咸稱慈母焉伏羌輩學士者材傳會試房師

也方家居卽以厚幣延主書院教士近百人多所成
就前後書院之盛莫及也性耿介遇事不阿率以細
故與同城遊擊相訐致去官去之日酒漿之送過百
里士民涕淚交頤莫能仰視云

徐芬浙江山陰人家世儒素乾隆二十五年以歲貢
考授秦州吏目吏目卑官能持大體明經學州之人
士多從受業樂爲講肄不疲也秦故大州事繁知州
下僅判官吏目判官復移駐僅有吏目耳會知州公
出鄉民報事者至芬皆親往南人不習鞍馬山徑且
直隸秦州新志

卷之九

名宦下

十七

多逼仄不容騎處芬卽扶掖行罔辭勞瘁時方盛暑
輒臥疾不起臨終惟以讀書訓子別無他言其卒也
囊無一錢官民盡哀之

謝明詠全州人康熙中由舉人授秦安知縣勤於吏
職事皆殫心盜賊必寘重法鼠竊屏跡嚴懲賭博或
以無業告給之錢令織褐爲生窮鄉父老咸佐子婦
治杼柚無博戲者城市無賴具有名籍每朔望親講
諭諄復痛切聽者或泣下講畢取無賴子對衆薄笞
之不計其有犯否也民或關帝肆前責及肆主人後

涕淫淫交頤民伏地莫能仰視云

徐芬浙江山陰人家世儒素與其弟舉人芳皆授書爲生芬文章好化治前輩迄不得舉乾隆二十五年以歲貢考授秦州吏目吏目卑官慮無不喜事以脅民財民亦以爲當芬獨持大體好簡靜舊胥役數十皆革去之幸無事諸生多從受書樂爲講肄不疲也秦故大州多事知州下僅判官吏目判官復移駐僅有吏目耳會知州公出而鄉民報事者踵至皆須親往南人不習鞍馬山徑且多偏仄不容騎方盛暑數直隸秦州新志

卷之九 名宦下

六

扶掖行數百里勞瘁極又適有所鬱性狷直不能自寬卧病三日嘔血數升以卒其卒也家無一錢官民盡哀之

謝明詠全州人康熙中由舉人授秦安知縣勤於吏職事皆殫心盜賊必宥重法鼠竊屏跡嚴懲賭博或以無業告給之錢令織褐爲生窮鄉父老咸佐子婦治杼柚無博戲者城市無賴具有名籍每朔望親講上諭諄復痛切聽者或泣下講畢取無賴子對衆薄笞之不計其有犯否也民或鬪市肆前責及肆主人後

有鬪者列肆逋驅遠之至郭外無人處輒相笑而罷
設義學誨士子間數日載酒餉往勞之見士子會食
則大喜曰自吾入仕籍久不獲此樂矣一時風俗肅
清民物安逸後爲奸民誣於上官遂去職去之日邑
人哭罷市有二人者哭尤痛曰吾儕禽畜賴公成人
而公去我已乎卽向朔望受笞者也

牛運震滋陽人博學雄文初以選貢卒業太學名已
震京師雍正八年成進士乾隆三年冬授秦安知縣
公餘卽讀書中夜誦聲琅琅時起舞門卒駭傳之取

直隸秦州新志

卷之九 名宦下

九

士之雋者親授之業買官署旁民宅聚士其中而屬
之署以便講習秦士不舉於鄉已二十年比甲子得
舉者二人卽其弟子中翹楚也次年以考最遷平番
縣士束書從之已而罷官主臯蘭書院士尤多從之
旣去而前得舉者一人成進士續得舉者數人一人
舉省元皆舊所指授也二十二年卒於家明年計至
秦諸生聚哭爲之誄且爲作佛事焉運震讀書訓士
而於民事亦不荒嘗巡歷隴水教民穿渠灌田如干
畝立章程勒石通衢邑城垣久頽數請於上官欲修

不事雖不行民懷其惠云

杜蔭大興人以蔭官知縣乾隆十年調泰安廉而才又周悉情偽一切以法從事無縱舍奸宄屏息尤敬文廟之祀前夕品物必親陳蔣允焄貴筑人由翰林知泰安縣平易近人煦煦若慈母窮鄉婦孺無不得至前言事者訟者理屈當受扑多諭而釋之扑亦必輕桀黠易犯法善良終懷惠焉

張仕渾蘄州人康熙末由進士任清水令存心簡靜耻近名在官裁牛站免夫役省催科革陋規故多善直隸秦州新志

卷之九 名宦下 三

政而淡然行之不張皇也設義學數處延師課士捐俸爲束脩士感焉前後二十七載爲最久嘗兼攝秦安皆鎮靜不擾云

國初畧有聞者集官師時依縣志標數語於下不重著

常大年字延齡直隸人順治初任禮縣知縣時軍餉方急大年軫恤民瘼籌運有方無所累孫雯鏡嘉善人康熙初知禮縣出俸錢修倉廩社學萬世緝富順人康熙二十三年由進士知禮縣重修文廟增建倉廩尋卓異陞去

朱元裕浙江人乾隆六年由歲貢知禮縣多善政時

隴右諸官匿旱災爲言官所發制府親行視至秦州
輒有按劾獨獎元裕曰是實心愛民者程鵬遠江南
通州人以蔭生先元裕知禮縣亦有仁聲曾出俸錢
修文廟

徐起霖江南通州人崇禎己卯副榜順治末選知徽
州下車察民疾苦力爲請免其文云荒郡苦累已極
殘黎流散可駭據實上陳祈甦重苦事其條一爲站
馬二爲水夫三爲造船四爲過兵馬五爲買運米豆
六爲公差橫索徽民至今感戴有德政碑康熙五十

直隸秦州新志

卷之九 名宦下 三

八年學院逢泰據州詳請准祀名宦祠徽縣志 國

黎寥寥焉豈直道之難枉抑紀載之荒畧耶兩當志
乃全無一人止有公共葉忠節耳則尤可歎矣是二
邑者豈無賢令耶

流寓

東漢

馬援茂陵人其祖賓先曾客天水援初爲郡督郵因
縱囚亡命北地遇赦因畱牧畜賓客多歸附者轉游
隴漢間嘗謂賓客曰丈夫爲志窮當益堅老當益壯
困處田牧至有牛馬羊數千頭穀數萬斛旣而歎曰

凡殖貨財產貴其能施賑也否則守錢虜耳乃盡散以班昆弟故舊身衣羊裘皮袴王莽時爲鎮戎尹莽敗復避地西州從隗囂餘已見名宦傳

杜林字伯山扶風茂林人父鄴前涼州刺史林初爲郡吏王莽末盜起林將細弱往客河西道逢賊幸免隗囂素聞林志節深相敬待以爲持書平後因疾告去辭還祿食囂復欲令彊起遂稱篤囂意雖相望且欲優容之乃出令云云

載藝文

林雖拘於囂而終不屈

節建武六年弟成物故囂乃聽林持喪東歸旣遣而直隸秦州新志

卷之九

流寓

三

悔追令刺客楊賢於隴坻遮殺之賢見林身推鹿車載致弟喪乃歎曰當今之世誰能行義我雖小人何忍殺義士因亡去林前於西州得漆書古文尚書一卷常寶愛之後以傳東海衛宏濟南徐巡曰古文雖不合時務然願諸生無悔所學於是古文遂行鄭興字少贛河南開封人兼通公羊左氏春秋更始時拜諫議大夫使安集關西及朔方涼益三州還拜涼州刺史會天水有反者攻殺郡守興坐免時赤眉入關東道不通興乃西歸隗囂虛心禮請而興耻爲之屈

稱疾不起囂矜已自飾常以爲西伯復作乃與諸將
議自立爲王興聞而說囂曰春秋傳云口不道忠信
之言爲囂耳不聽五聲之和爲韓聞者諸將集會無
乃不道忠信之言大將軍之聽無乃阿而不察乎昔
文王承積德之緒加之以睿聖三分天下尚服事殷
武王卽位八百諸侯不謀同會武王以未知天命還
兵待時高祖征伐累年猶以沛公行師今令德雖明
世無宗周之祿威畧雖振未有高祖之功而欲舉未
可之事昭速禍患無乃不可乎囂竟不稱王後遂廣

直隸秦州新志

卷之九 流寓

三

置職位以自尊高興復止囂曰夫中郎將大中大夫
使持節官皆王者之器非人臣所當制也孔子曰惟
器與名不可以假人不可以假人者亦不可以假於
人也無益於實有損於名非尊上之意也囂病之而
止及囂遣子恂入侍將行興因恂求歸葬父母囂不
聽而徙興舍益其秩禮興入見囂曰前遭赤眉之亂
以將軍僚舊故敢歸身明德興聞事親之道生事之
以禮死葬之以禮祭之以禮今爲父母未葬請乞骸
骨若以增秩徙舍中更停留是以親爲餌無禮甚矣

將軍焉用之囂曰囂將不足留故邪興曰將軍據七郡之地擁羌胡之衆以戴本朝德莫厚焉威莫重焉興從俗者也不敢深居屏處因將軍求進不患不達因將軍求入何患不親此興之計不逆將軍者也興業爲父母請不可以已願留妻子獨歸葬將軍又何猜焉囂曰幸甚促爲辦裝遂令興妻子俱東時建武六年也侍御史杜林先與興同寓隴右乃薦之帝餘各詳本傳

申屠剛字巨卿扶風茂陵人平帝時舉賢良方正王

直隸秦州新志

卷之九

流寓

四

莽篡位剛避地河西轉入巴蜀往來二十許年及隗囂據隴右欲背漢而附公孫述剛說之曰愚聞人所歸者天所與人所畔者天所去也伏念本朝躬聖德舉義兵龔行天罰所當必摧誠天之所福非人力也將軍本無尺土孤立一隅宜推誠奉順與朝並力今璽書數到委國歸信欲與將軍共同吉凶布衣相與不負然諾况於萬乘者哉今何畏何利久疑如是卒有非常之變上負忠孝下愧當世囂不納遂畔從述建武七年詔書徵剛剛將歸與囂書勸之囂仍不納

剛到拜侍御史班彪字叔皮扶風安陵人年二十餘更始敗三輔大亂時隗囂擁衆天水彪乃避難從之囂問彪曰往者周亡戰國並爭天下分裂數世然後定意者從橫之事復起於今乎將承運迭興在於一人也對曰周之廢興與漢殊異昔周爵五等諸侯從政本根旣微枝葉彊大故其末流有從橫之事漢承秦制改立郡縣主有專已之威臣無百年之柄至於成帝假借外家哀平短祿國嗣三絕故王氏擅朝因竊號位危自上起傷不及下是以卽真之後天下莫

直隸秦州新志

卷之九 流寓

五

不引領而歎十餘年間中外搔擾遠近俱廢假號雲合咸稱劉氏不謀同辭方今雄桀帶州域者皆無七國世業之貲而百姓謳吟思仰漢德已可知矣囂曰生言周漢之勢可也至於但見愚人習識劉氏姓號之故而謂漢家復興踈矣昔秦失其鹿劉季逐而羈之時人復知漢乎彪旣疾囂言又傷時方艱乃著王命論以爲漢德承堯有靈命之符王者興祿非詐力所致欲以感之而囂終不寤遂避地河西餘各詳本傳

任延字長孫南陽宛人十二爲諸生學於長安顯名太學值倉卒避兵之隴西時隗囂已據四郡遣使請延延不應餘詳本傳

馬融字季長扶風茂陵人博通經籍永初二年大將軍鄧騭聞融名召爲舍人非其好也遂不應命客於涼州武都漢陽界中會羌虜颺起邊方擾亂米穀踴貴自關以西道殣相望融旣饑困乃悔而歎息謂其友人曰古人有言左手據天下之圖右手刎其喉愚夫不爲所以然者生貴於天下也今以曲俗咫尺之

直隸秦州新志

卷之九 流寓

六

羞滅無貲之軀殆非老莊所謂也故往應騭召餘詳本傳

翟酺字子超廣漢雒人善圖緯歷筭以罪當徙日南亡於長安爲卜相工後牧羊涼州遇赦還餘具本傳唐

杜甫字子美膳部郎審言孫至德乾元間以拾遺出爲華州功曹屬關輔饑輒棄官去客秦州卜居東柯

谷已而去之暫寓成州同谷縣

新書但言客秦州舊書但言寓同谷縣合

之乃盡實事

隨復去之道兩當遂入蜀餘詳本傳

曲環陝州安邑人容隴右少喜兵法善騎射後積功
至檢校尚書左僕射詳本傳

宋

巢谷初名穀字元修眉州眉山人父中谷傳其學雖
朴而博舉進士京師谷素多力見舉武藝者心好之
遂棄其舊學蓄弓箭習騎射久之業成而不中第聞
西邊多驍勇爲四方寇去遊秦鳳間所至友其秀傑

餘詳本傳

兩當縣志言文潞公彥博微時寓兩當設
教於郇氏家秦州舊志又有郭執中華亭

人累官樞密承旨建中靖國初應詔言事切直忤蔡
京籍爲元祐黨人斥居栗亭三十餘年因家焉皆於

直隸秦州新志

卷之九

流寓

三七

史無考附
注於此

明

李天成莊浪人天啟甲子舉人隱居秦州仙人崖安
貧樂道有箕穎之風

盛廣桐城人明末以舉人知徽州崇正十六年因寇
亂與兩當令徐文獻偕隱於兩當之黃岩洞

朱新堦汾州人宗室貢生明末成縣知縣流賊變棄
官避跡秦州麥積崖詩酒自適逍遙松泉間以終其
身

唐通未詳其籍微時遊於嘉陵江上遂寄居葬其祖
母後爲定西侯徽州牧徐起霖兩當縣尹蔣大震爲
立碑買置墓田

明流寓只據舊志他無所考然世近
或當不謬如朱新靖者今人猶能言

也之

直隸秦州新志卷之九下終

直隸秦州新志

卷之九

流寓

六